

140
1955/3

ეროვნული
ბიბლიოთეკა

საბავშვო განც.



ვერსიონები

№ 6
ივნისი
1955



„ბაბუას სიამაყე“

ფოტორეპროდუქცია სახალხო მხატვრის უჩა ჯაფარიძის სურათიდან



პ ი თ ნ ე რ ი

საქართველოს ავტორთა კავშირის
ქრონიკული საბავშვო შუბანი



№ 6

იენისი, 1955 წ

წელიწადი XXIX



6904

მზიას ბანაკში მიუხარია

«მე და ჩემ ტოლებს ბანაკი გველის,
და იქ მივდივართ, მიგვიხარია.
იქ თავს იწონებს ვარდებით ველი,
იქ ჩიტუნებიც ბლომად არიან.

იქ მოჩუხჩუხე ნაკადულია,
წყარო, ხშირი ტყე და სხვა მრავალი...
მთები წალკოტით დახატულია
და გრილი სიო ჰქრის ონავარი.

იქ მდინარეა ისე უღევი,
ვით დღეს სიმღერა და სიხარული,
ჩვენ ხშირად მისკენ გავეშურებით
და გადავცურავთ ტალღებს მხარულით»...

მეტიკვიკეა პატარა მზია,
თან მეხვეწება — ვუთხრა ლექსები;
მეც ვმღერი, ვმღერი, რაც შემიძლია,
და გულით მზიას ვეაღერებ.

ლალა ასათიანი





გ ე ბ მ ბ რ ე ბ ი

ფოტოგრაფი უ. ჩხეტიანი

ბავშვების დასაცავად



მოსკოვი

ქვეყნად მრავალი მწვერვალი არის,—
მოსკოვი ჰქვია ყველაზე მაღალს!
იქიდან მოჩანს თბილისში მტკვარი
როგორ მიაფრენს ბობოქარ ტალღას;

იქიდან მოჩანს ხუანხეს ველი
და უკრაინის უსაზღვრო სტეპი,
სადღაც უღონოდ მღელვარე ღელე
და ნიაგარის ნიაღვრის შხეფი;

იქიდან მოჩანს, ვით ხელისგულზე,
კაცობრიობის გზა-მომავალი.
ქვეყნად მწვერვალი არის მრავალი
და ყველა ერთად მხოლოდ მას უმზერს...

იგი გვინათებს ღლითა და ღამით!
მზიანი ღლეა თუ ბორბაგის ნისლი,
ძნელბედობა გვაქვს თუ ლხინის ქანი,
უზვად გვეფრქვევა სხივები მისი.

იგი გვინათებს სანატრელ მიზანს
და მისი სითბო გვაჩნია გულზე.
ჩვენ ყველგან ვხედავთ სინათლეს მისას,
როგორც ძმობის და სიმტკიცის ფუძეს.

მოსკოვს უბყრია მშვიდობის დროშა
და მას გუშაგობს გამირული შრომით,
რომ ღედის გულმა და გულმა ნორჩმა
არ იგრძნონ სუსხი სისხლიან ომის.

ყველა მშობელი და ბავშვიც ყველა
ანთებულია იმედით, რწმენით,
რომ მათ სიცოცხლეს და ფიქრთა ღელვას
მუდამ დაიცავს მოსკოვი ჩვენი.

ხუბა ბერულავა

მთელი პროგრესული კაცობრიობა აღნიშნავს ბავშვთა დაცვის საერთაშორისო დღეს, რომელიც ქალთა საერთაშორისო დემოკრატიულმა ფედერაციამ შემოიღო ომის საშიშროების წარდასთან და ბევრ ქვეყანაში ბავშვთა მდგომარეობის საგრძნობ გაუარესებასთან დაკავშირებით.

ამჟამად, როდესაც ამერიკელი იმპერიალისტები და მათი ინგლისელი და ფრანგი დამპყშები გაძლიერებულ შეიარაღებას ეწევიან, გაბალებით ემზადებიან ახალი სისხლისმღვრელი ომისათვის, აიარალებენ დასავლეთ გერმანიას და ატომური ომით იმუქრებიან, მშვიდობის შენარჩუნებისათვის, ბავშვების დაცვისათვის ბრძოლას განსაკუთრებული მნიშვნელობა ენიჭება.

გაერთიანებული ერების განაწლების, მეცნიერებისა და კულტურის საკითხთა ორგანიზაციის გენერალური დირექტორის ლუთერ ევანსის განცხადებით, მთელ მსოფლიოში 550 მილიონი ბავშვი, ესე იგი ბავშვების ნახევარზე მეტი, მოწყვეტილია სწავლა-განათლებას. ამას, რასაკვირველია, გარდა მშრომელთა გადატყეობისა, ხელს უწყობს სკოლების ნაკლებობა და მასწავლებელთა დაბალი ხელფასი. კაპიტალისტური ქვეყნების მრავალი ათასი ბავშვი, სწავლა-განათლებას მოკლებული, მშვიერი და ტიტველი, იძულებულია შრომითი საქმიანობა 8-10 წლის ასაკში დაიწყოს.

უაღრესად მძიმე მდგომარეობაშია, აგრეთვე, კაპიტალისტური ქვეყნების მშრომელთა ბავშვების ჯანმრთელობის დაღვის საქმე. კაპიტალისტურ ქვეყნებში დღითიდღე იზრდება ბავშვთა სიკვდილიანობა.

სულ სხვა სურათია სოციალიზმისა და დემოკრატიის ბანაკის ქვეყნებში, სადაც ბავშვებზე და მოზარდ თაობაზე წარუვა უმნიშვნელოვანეს სახელმწიფოებრივ და საზოგადოებრივ საქმედ არის ქცეული. კაპიტალისტური ქვეყნის მრავალმა დედამ იცის, რომ არსებობს საბჭოთა კავშირი, არსებობენ სოციალიზმისა და დემოკრატიის ქვეყნები, სადაც ყველა ბავშვი სწავლობს, სადაც სახელმწიფო და ხალხი წარუწვენ ბავშვების ჯანმრთელობისათვის, სადაც ახალგაზრდას ყველა პირობა აქვს შექმნილი განავითაროს თავისი ნიჭი, გახდეს პატოსანი მოქალაქე.

სწორედ ამიტომ იბრძვიან კაპიტალისტური და კოლონიური ქვეყნების დედები საბჭოთა კავშირის მშრომელბთან ერთად ომის გამჩალებლების წინააღმდეგ ბავშვებისა და ახალგაზრდობის უკეთესი მომავლისათვის.

დედაშიწის ყველა კუთხეში ქალები ქმნიან ორგანიზაციებს. იწვევენ კონფერენციებს, ხალხმრავალ კრებებს, აგროვებენ ხელმოწერას ომის წინააღმდეგ, მასობრივი მოსპობის საშუალებათა აკრძალვისათვის, თავიანთი ოჯახებისა და შვილების დასაცავად.

საბჭოთა ქალები, მსოფლიოს ყველა ქალებთან ერთად, როგორც ყოველთვის, თავიანთ საპატიო წვლილს შეიტანენ მშვიდობის განმტკიცებისა და ბავშვთა დაცვის საქმეში.

ნინო ჯაფარიძე

მედიცინის მეცნიერებათა დოქტორი, საბჭოთა ქალების ანტიფაშისტური კომიტეტის წევრი.



მარიკა ჯაფარიძე

ნახ. კ. მახარაძისა

წერილი

მ ო თ ხ რ ო ბ ა

ფოსტალიონმა წერილი მიუტანა მეცხრეკლასელებს. რა კარგი იქნებოდა ერთი დღით აღრე მიეღოთ ის ბარათი. უეჭველად ჩაფიქრდებოდნენ; არც ის ამბავი მოხდებოდა და პასუხსაც თამამად დაწერდნენ. წინაღობით იყო, სიტყვა მისცეს კლასის ხელმძღვანელს, ამიერიდან ღირსეულად მოვიქცევითო. სიტყვა სიტყვად დარჩა, თვითონაც არ იცოდნენ, პირველად ვინ დაარღვია პირობა.

იქნებ არც ეგრძნოთ დანაშაული ის ბარათი რომ არ მიეღოთ!

გასულ წელთან შედარებით გამოცვლილიყვნენ მეცხრეკლასელი ბიჭები: ტანი აუყარათ, ხმა დაბოხებოდათ, საუღვანელო ღინოლი აშლოდათ. გოგონებიც წამოზრდილიყვნენ. გარეგნობასთან ერთად თითქოს ხასიათიც შეცვლიდა ზოგს; ახლა მათი კლასიდან მასწავლებლები ხშირად გაჯავრებული გადიოდნენ და კლასის ხელმძღვანელს შესჩიოდნენ.

იმ დღესაც ასე დაიწყო: პირველგაკვეთილზევე არ დააცადეს ალგებრის მასწავლებელს ახალი მასალის ახსნა. ასე გაგრძელდა შემდეგაც. ბოლოს ქიმისი გაკვეთილი ჰქონდათ. ქიმიაც უყვართ მეცხრეკლასელებს და კლასის ხელმძღვანელიც — ყოველთვის გულისყურით უსმენდნენ პატივცემულ ნინოს, ახლა კი... ნინო მასწავლებელი

რამდენჯერმე შეჩერდა გაკვეთილის ახსნის დროს და გაკვირვებით გადახედა კლასს. გაკვეთილის დამთავრებას ცოტალა აკლდა, მასწავლებელი ფორმულას წერდა დაფაზე; ჩუბჩუბი გაისმა და ერთბაშად ისეთი ხარხარი ატყდა, რომ მასწავლებელი სწრაფად შებრუნდა მოსწავლეებისაკენ.

არჩილს ჯამბაზის ნიღაბი გაეკეთებია და იგრიბებოდა.

— ნიღაბი მოიხსენი, — მშვიდად უთხრა მასწავლებელმა, — თუ გაკვეთილის მოსმენა არ გინდა, დატოვე კლასი და დერეფანში დამიცადე.

არჩილი ჯიუტად იდგა, კლასიდან გასვლას არ აპირებდა, მაგრამ როდესაც მასწავლებელს თვალეში შეხედა, ადგილიდან მოწყდა და კარები ხმაურით გაიხურა.

მასწავლებელმა ცარცი დადო და მაგიდასთან მივიდა.

ერთხანს უხმოდ იდგა. მერე დაჯდა, ყურნალი გადაშალა და ზედ ხელები დააწყო. კლასში სიჩუმე ჩამოვარდა. ხედავდნენ მოსწავლეები, კარგად ხედავდნენ, თუ როგორ იყო კლასის ხელმძღვანელი გამშრალი და ხმაჩაქმედილი. ზარის ხმაზე წელი ნაბიჯით გაემართა კარებისკენ. ნინო მასწავლებელი ჯერ დერეფანშიც არ იყო გასული, რომ კლასი ერთად ალაპარაკდა. თუ სხვა დროს გაკვეთილების დამთავრებისთანავე ჩანთებს ხელს დაავლებდნენ და გარბოდნენ, ახლა ერთიმეორეს ლაპარაკს აღარ აკადიდნენ და საკლასო თათხიდან არ გადიოდნენ.

მერვეკლასელმა გოგონებმა კარი შეადგეს და იქვე მღვამე გიჟას შეეკითხნენ: რა მოხდა თქვენთან, რა ჩაიღინეთ ისეთი, რომ პატივცემული ნინო ცუდად გამხდარაო?

პასუხის მიცემა ვერ მოასწრეს, რომ კლასში არჩილი შემოიჭრა ყვირილით:

— წერილი! წერილი მოგვივიდა, ბიჭებო. წერილი! ესტატემ მომცა, ჩვენმა ფოსტალიონმა...

არჩილს ყურადღება არავენ მიაქცია. მან უფრო აიმაღლა ხმა.

— წერილი! წერილი! ყური დამიგდეთ, არ გინდათ წაგიკითხოთ?!

— ეგ რაღა მოიგონე! ვის რად უნდა შენი წერილი? — შეუტია ქეთინომ.

— არ გინდათ და ნუ გინდათ! ჩემი იყოს, მაგრამ გული არ დაგწყდეთ მერე.

— ვისი წერილია, ვისი? — მიეჭრა ზურა და ის იყო ხელიდან უნთა გამოეგლიჯა წერილი, რომ არჩილი მერხზე შეხტა.

მერხზე შეხტომა აგრე არ უნდაო და მას ზურა მიჰყვა, ზურას — გოგი და კოტე.

— დამაცათ, წერილი მე მოვიტანე და მე წაგიკითხავთ, — ყვიროდა არჩილი. — იცოდეთ, არა ვის დაგანებებთ, დაეხვე და არ დაგანებებთ!

— კარგი, ჰო, გვითხარი ვისია, — ჩამოხტა ძირს ზურა და მკლავებით ბიჭების თავდასხმა მოიგერია.

— „მეშიდე სკოლა, მეცხრე მეორე კლასი“...

მიმდებარის სახელი და გვარი არ აწერია, — თქვა არჩილმა, კონვერტს თავი წაახია და ოთხადგაქცილი ქაღალდი ამოიღო.

— ბიჭოს, ეს რა წერია!
— რა წერია? ხმამაღლა წაიკითხე! — აყვირდნენ ბიჭები.

„გადაეცით, ვინც ზის მასწავლებლის მაგიდიდან მარჯვნივ მეთხე მერხზე პირველი“.

წუთით სიჩუმე ჩამოვარდა. გოცემულმა ბიჭებმა ერთმანეთს გადახედეს.

— ეგ ხომ მე ვარ! — დაიძახა გიგამ.
— გიგასია წერილი, გიგასი! — აყვირდნენ ბიჭები.

— ნეტავი ვინ წერს? — ასწია წარბები რუსუდანი.

— სიჩუმე! — დაიძახა გიგამ, არჩილს ბარათი გამოსტაცა, ბოლომდე ჩაათვალიერა, ჩანთა და ქული გვერდზე დადო და ამხანაგებს გადახედა.

— რაღას უყუარებ, წაიკითხე...
— წავიკითხავ, — თქვა წყნარად გიგამ და ისევ შეათვალიერა ამხანაგები.

გიგას მიბაძვით სხვებმაც დააწყეს ჩანთები და მერხებზე ჩამოსხდნენ.

„გამარჯვებით, მეგობრებო! ვფიქრობ, ამ ბარათს ერთად წაიკითხავთ მთელი კლასი. თქვენგან დიდი მანძილით ვარ დაშორებული და მინდა წერილით გესაუბროთ. ჩვენთან უკვე საგრძნობლად ცივა, თქვენთან კი ისევ ტბილი შემოდგომის სითბოა, ალბათ. ცხელი ზაფხული გვქონდა წელს, ზამთარი ჩვეულებრივ სუსხიანი იქნება, მაგრამ ჩვენს მესაზღვრეებს ზამთრის სიცივე და ზაფხულის პაპანება არ აშინებთ...“

— მესაზღვრეო? — გაიკვირვა თამარმა.
— ჩუმად! ჩუმად! — აყვირდნენ ბიჭები.

„საპასუხისმგებლო და ამავე დროს საინტერესოა ჩვენი სამსახური. თავისუფალ დროს ვსხედვართ მე და ჩემი მეგობრები თბილ ბინებში და ათასი რამეთი ვერთობით. ახლაც, როცა წერილსა გწერთ, ზოგი ჭადრაკს თამაშობს, ზოგი წიფნს კითხულობს და ზოგიც ჩემსავით წერილსა წერს...“

გწერთ წერილს და წარმოვიდგენ თქვენს სახეებს. მართალია, არც ერთს არ გიცნობთ, მაგრამ ვიცი, ისეთივენი იქნებით, როგორც მე და ჩემი ამხანაგები ვიყავით სკოლის მერხებზე...“

— ვინ არის, აღარ იტყვი? გამაგებინეთ, რატომ მაინცა და მაინც ჩვენ გვწერს წერილს! — ველარ მოითმინა ზურამ.

— გაჩუმდი, — გაჰკრა მხარი კოტემ.
„მეგობრებო, მეც მაგ სასწავლებელში ვსწავლობდი, სადაც თქვენ სწავლობთ. ჩვენი კლასი იყო პირველ სართულზე, კარიდან მარცხნივ, მეორე ოთახში...“

— ეს ხომ ჩვენი საკლასო ოთახია! — გაიკვირვა ჩიკომ.

— არა, მოთმინება აღარ მყოფნის... თქვით ვინ არის, ვინ აწერს ხელს! — წამოიძახა ზურამ,

მაგრამ არჩილის მრისხანე სახეს რომ უხილდა, მყისვე ჩაჩუმდა.

„ამავე დროს ისიც უნდა ვითხრათ, რომ თქვენი კლასის ხელმძღვანელი, პატივცემული ნინო, რომელსაც მე დედას ვუწოდებ, რადგან ბავშვობიდან უდღემამოს დედობა გამიწია, ჩემი კლასის ხელმძღვანელიც იყო.“

— რაო, გიგა, ნანდვილად ასე წერია? — წამოიჭრა ახლა ელიზბარი.

— აბა, მე ხომ არ მოვიგონე, — უსაყვედურა გიგამ.

„თქვენ ახლა მეცხრე კლასში ხართ. ცოტა დრო გაირბენს და თქვენც დატოვებთ სკოლის კარებს. ბევრი კარგი მაგონდება მაგ სკოლის კედლებში... არც თუ დიდი დრო გასულა მას შემდეგ. თქვენ შეგვცვალეთ ჩვენ, თქვენ დაიკავეთ ჩვენი მერხები და რომ შეეძლოს მერხმა ილაპარაკოს — იმ მერხმა, რომელიც ჩვენს საკლასო ოთახში მეთხე რიგშია — გაიმბობღათ ორი ბიჭის მეგობრობაზე, ერთი რომ 1945 წლის აპრილში ბერლინთან დაიღუპა და მეორე ახლა თქვენთან ბარათს რომ წერს.“

ხშირად თვალწინ წარმომიდგება სახლი... ალბათ, თქვენც კარგად იცით ის — დაბალი მესერი თემოზღუდული ბაღჩიანი სახლი, სკოლის მახლობლად, რომლის საკმელს პირველი მზის სხივი ზვდება. ვხედავ, როგორ ბრუნდება სკოლიდან პატივცემული ნინო, შეაღებს ბაღჩის კარს, ავა კიბეზე, საფოსტო ყუთს ჩახედავს, მოათვათურებს შიგ ხელს... იშვიათად, რომ სხვა წერილებთან ერთად არ ამოიღოს წერილი სამხედრო შტამპით.

ეს ჩემი წერილია. ვიცი, გამოარჩევს სხვებში,



არჩილი ვიუტად იდგა...



როგორ გავიგო სიმართლე, ვის
შეუძლია ამისნახა? **ზინკირთა**

ბევრი ვიფიქრე და არჩევანი
თქვენზე შევაჩერე. რატომ? იმი-
ტომ, რომ ზუთი წელია თავს
დაგტრიალებთ, თქვენი კლასის
ხელმძღვანელია, იმიტომ, რომ
ყველაზე ახლობელი დღეს თქვე-
ნა ხართ მისთვის...

ველი თქვენგან პასუხს: ნუ და-
მიძალავთ, სიმართლე გამაგები-
ნეთ, მომწერეთ დალაგებით, და-
წვრილებით. სანამ ჩამოვალ, გა-
უფრთხილდით მას, როგორც დე-
დას. პირობა დავდეთ, რასაც
გწერთ, ჩვენი საიდუმლო იყოს.
მთელ კლასს, როგორც უმცროსს
და-ძმებს, ძმურ სალამს გიძღვ-
ნით“.

წერილის კითხვა დაამთავრა
გიგამ, ერთ ხანს ხელში ეჭირა
გაშლილი ბარათი, მერე გულდა-
გულ დაკეცა, კონვერტში ჩადო
და გულის ჯიბეში შეინახა.

წერილის კითხვა დაამთავრა გიგამ, ერთხანს ხელში ეჭირა გაშლილი ბარათი...

სწრაფად შევა ოთახში, სწრაფადვე გაიხდის
პალტოს, მოიხდის ქუდს, თმებს გაისწორებს,
სათვალეს მოირგებს, იქვე ფანჯარასთან მდგომ
საწერ მაგიდას მიუჯდება და პირველად მას წაი-
კითხავს...

ვხედავ თავდახრილს, გაფაციცებით ჩასჩე-
რებია რვეულებს. ხან წარბს შეიკრავს, ხან კი
სახე გაებადრება და ასე ჩაიკითხავს რვეულს
ბოლომდე. დალილი, სავარძლის ზურგს მი-
ეყრდნობა, შეაჩერდება ჩარჩოში ჩასმულ სუ-
რათს, დედის თვალებს სიყვარულით რომ შე-
ყურებს.

თუ ის ხშირად ღებულობს ჩემგან წერილებს,
თვითონაც ასევე ხშირად მწერს. მწერს საყვარე-
ლი ქალაქის ამბებს: რა აშენდა, ახალი რა შე-
ენმატა ჩვენს ქალაქს. მე ისიც ვიცი, რომ თქვენი
სკოლა ახალი კორპუსით გაიზარდა და ახლა
სწავლა ერთ ცვლაში მიმდინარეობს. ამ წერი-
ლებში ვკითხულობ, თუ როგორ ახარებს თავისი
აღზრდილების მიღწევები...

აი, ასეთ კარგ წერილებს ვღებულობდი მუდამ.
არასოდეს მიძლია ნადვლიანი, უიმედო წერილი.
ის ხომ მართობას არასოდეს არ უჩივის, და-
ღუბულ შეილზე უმიძის ლაპარაკი... მაგრამ უნდა
გითხრათ, რომ ამ ბოლო დროს მის წერილებს
რადაც წუხილი შეეპარა — ფარული, გაუმყდა-
ნებელი წუხილი. არა, სიტყვით არას მწერს, მა-
გრამ ვგროძობ, რადაც საფიქრელი, რადაც დარდი
გასჩენია, რის თქმაც არ უნდა. მე ვერ ვხედავ
შეგვეკათხო, ვთხოვო გამიზიაროს, თუ რა აწუ-
ხებს. იქნებ ვეღარ დაძლია შვილის სევდა? იქნებ
მეც მოვენატრე? იქნებ ავადა და არ მიმხელს?

და როდესაც ყველა ერთად ალაპარაკდა, ერთი-
მეორის ცოდვა მოიგონეს და მათი ხმაური სა-
ზღვარს გადასცდა, ქეთინო აღდა და უნებურად
ისე დახტრა მერხი, რომ ზურამ მაჯაში ჩასჭიდა
ხელი:

— წყნარად! წელა არ შეგიძლია დახურო?!

— წყნარად! თქვენი ბრალია ყველაფერი! —
შეუტია ქეთინომ.

— რა არის ჩვენი ბრალი? — შეცბა ზურა.

ვისი ბრალი იყო? ვინ იყო დამნაშავე?

ყველა, ყველა იყო დამნაშავე!

რა კარგი იქნებოდა ერთი დღით, ან რამდენიმე
საათით ადრე მაინც მიეღოთ ბარათი, ახლა კი...
ახლა, აბა ვის შეეძლო პასუხი გაეცა წერილზე?



საწერ მაგიდასთან იჯდა ნინო მასწავლებელი...

ნიკოლას გილიენი

ი ა გ ნ ა ნ ა

კატარა ზანგის გამოსაღვიძებელი

ნიკოლას გილიენი, მშვიდობის საერთაშორისო სტალინური პრემიის ლაურეატი, პროგრესული კუბელი პოეტი. ქვემოთ გამოქვეყნებული ლექსის შესახებ გილიენი ამბობს:

„ჩემს სამშობლოში კატარა ზანგებს იაენანას ჰანგზე არწევენ. ძალიან ბევრი იაენანა ძილისმომგვრელია. მე კი მიმაჩნია, რომ ზანგებმა უნდა გამოიღვიძონ და სწორედ ამიტომ დავწერე იაენანა, რომ გამოვავლიძო კატარა ზანგი“.



ღუღუნებს მტრედი
ცისმარე დილით:
— შავტუხა ბიჭო,
გეყოფა ძილი.
უველა ფეხზეა,
შრომის ეშხზეა:
ჭრელი პეპელა,
ლამაზფრთიანი,
მაიმუნი და
ზანტი ნიანგი.
ვიწრო სარკმელი,
ირგვლივ ნაცარი...
ჩქარა, ყმაწვილო,
მზეს აასწარი!




შავტუხა ბიჭო,
დააგდე სხენის
მწვანედ გაშლილა
მთანი და ტყენი;
ხალხი ამღვარა,
მკლავმოუღლელო.
ისევ მათრახი,
ისევ უღელი.
უველა ფეხზეა,
შრომის ეშხზეა.
შაღლა ობობა,
ირგვლივ ნაცარი...
ჩქარა, ყმაწვილო,
მზეს აასწარი!



შავტუხა ბიჭო,
მაყვლისთვალეზავ,
გამოიღვიძე,
კმარა წვალეზა!
და თქვი „ხაქვეყნო:
„ვაპობ ჩაგრული —
ძირს მჩაგვრელები!
ზატონს პანდური!“



უველა ფეხზეა,
შრომის ეშხზეა.
ჩაღის ლოგინი,
ირგვლივ ნაცარი...
ჩქარა, შავტუხავ,
მზეს აასწარი!



თარგმნა
გურამ გოგიაშვილმა

ბინდებოდა, როცა გოგი ბაღის მიუახლოვდა და მესერთან არჩილი შენიშნა. მოულოდნელობისაგან შედგა და უკან გაბრუნება დააპირა, მაგრამ იქვე მომავალ ზურას მოკრა თვალი...

და ასე, წინასწარ შეთქმულებით მოიყარა მთელმა კლასმა თავი. ბოლოს გიგა მოვიდა; ამხანაგები რომ შენიშნა, გაკვირვებისაგან შედგა და სიტყვა ვერ დაძრა.

ერთ ხანს ღუმდნენ.

— შევიდეთ... — თქვა ბოლოს ვილაცამ.

მაგრამ შესვლა ვერავინ გაბედა. სხვა დროს რომ ერთმანეთს არ დააცდიდნენ, ახლა პირველობა ვერავინ ითავა. როგორც იქნა, ბაღის კარმა გაიჭრიალა. კიბესთან შეჯგუფდნენ მეცბრეკლასელები.

არჩილმა გიგას ხალათზე ჩამოკრა ხელი და ანიშნა კიბეზე ასულიყო. გიგამ საფეხურზე ფეხი შესდგა, მაგრამ კიბის თავზე საფოსტო ყუთს მოკრა თვალი, სწრაფად მიბრუნდა და არჩილს უარის ნიშნად თავი გაუქნია.


ფანჯრის ნახევრად ღია დარბაზში შუქი გამოკრთოდა. საწერ მაგიდასთან იჯდა ნინო მასწავლებელი. შუბლზე ჭადარა ჩამოცვენოდა, ნიდაყვებით მაგიდას დაყრდნობოდა, ხელისგულები საფეთქლებზე მემოეჭოდა და დაუინებით მისჩერებოდა რალაცას. თვალი გააყოლეს და შენიშნეს: ჩარჩოში ჩასმული სურათი იდგა მაგიდაზე, იქვე იდო გახსნილი ბარათი...

გიგამ სარკმელს მიაღო თითი, შეჩერდა, მაგრამ ამხანაგების უსიტყვო თხოვნამ სითამამე შემატა, ჯერ ოდნავ შეეხო მინას, მერე კი გაბედულად დააკაკუნა...

მასწავლებელი შეკრთა, თავი აიღო. ადგა. ფანჯარას მიუახლოვდა, დარბაზ მთლიანად გამოალო, ფარდა გადასწია, დააკვირდა, დააკვირდა... დიდხანს იყურა სარკმელში, მოღუშული წარბები თანდათან გაეხსნა, ნაოჭები გადაეყარა, მხრებში გაიშალა, თითქოს გამაღლდა კიდევ, სხივი გადმოეფრქვა თვალთაგან, ღიმილმა გადაურბინა ბაგეზე, ერთბაშად სარკმელს ხელი გამოჰკრა და გააღო...

მის წინ თავდახრილი მეცბრეკლასელები იდგნენ.





ს. მარშაქი

მშობლიური ენის გაკვეთილი

ფართო საკლასო ოთახში
 ბავშვებს შეჰხარის გული;
 დილაა, ირგვლივ სიჩუმე
 დამკვიდრებულა სრული.
 მოსწავლეები თეთრზე
 შავით და შავზე თეთრით
 წერენ, — აზრები მათი
 ნათელია და მკვეთრი.
 წერენ კალმით და ცარცით,
 წერენ გულდასმით, წყნარად,
 ნათლად ჩანს ასო ყოველი:
 — ჩვენ ომი არ გვსურს, არა!
 დედა-მოსკოვს და სტალინგრადს
 შენების მძლავრი ხმა შვენით,
 აქ კი, — დაფაზე, რვეულში,
 სიტყვებს აგებენ ბავშვები.
 წერენ საბჭოთა ბავშვები,
 დილა უქვს აფრქვევს ღვარად:

— მშვიდობა ქვეყნად ყველა ხალხს,
 ჩვენ ომი არ გვსურს, არა!
 მშვიდობა ქვეყნად ყველა ხალხს!
 სივრცე ეყოფა ყველას;
 პლანეტა უმდიდრესია!
 პლანეტა უდიდესია! —
 ჩვენი საბჭოთა ბავშვები
 ასე სწავლობენ ენას.

თარგმანა ვახტანგ ძენილაძემ

ლენსკონ პიუზი

კ ა რ უ ს ე ლ ი

მისტერ!
 მაჩვენეთ ამ კარუსელზე
 ზანგებისათვის ადგილი სად გაქვთ?!
 ოჰ, რომ იცოდეთ, რა გულით მინდა, —
 გავქანდე ლაღად...
 იქ, საიდანაც ახლა მოვდივარ,
 ზანგებს ადგილი ყველგან როდი აქვთ;
 მატარებელში და მანქანებში
 იმათ სულ ბოლო რიგებში ნახავთ,
 რადგანაც, მისტერ, ზანგებს ისინი

არ თვლიან ხალხად...
 მაგრამ მხიარულ ამ კარუსელზე,
 როგორ მოგნახო სად არის ბოლო?!
 მისტერ!
 ო, მისტერ!
 სად არის ცხენი, —
 ზანგის ბიჭს უნდა, რომ გააქროლოს...

თარგმნეს
 ვ. ნადარეიშვილმა და მ. მაჭავარიანმა

გზა ცხოვრებისაკენ

(ნ ა წ ყ ვ ე ტ ი მ ო ტ ხ რ ო ბ ი ღ ა ნ)

ბავშვებო! თქვენ იცნობთ ანტონ სიმონის-ძე მაკარენკოს და მის შესანიშნავ წიგნს „პედაგოგიური პოემა“. წიგნი მოგიტოხრობს იმის შესახებ, თუ როგორ ზრდიდა და ასწავლიდა ბავშვებს ნიჭიერი საბჭოთა პედაგოგი. მასთან ქუჩიდან მოდიოდნენ შრომის და დისციპლინის მიუჩეველი უპატრონო ბავშვები. ანტონ სიმონის-ძე მათ ზრდიდა ნამდვილ საბჭოთა ადამიანებად. იგი ჯერ გორკის სახელობის კოლონიას შემდეგ კი ძერჟინსკის სახელობის კომუნას ხელმძღვანელობდა.

მრავალი მოსწავლე გაჰყვა მისი აღმზრდელის ანტონ მაკარენკოს გზას. ვისაც „პედაგოგიური პოემა“ წაუკითხავს, ალბათ, ახსოვს, რომ ბოლოს ანტონ მაკარენკო ლაპარაკობს მის ერთ-ერთ აღზრდილ სიმონ კარაბანოვზე, რომელმაც მთელი თავისი სიცოცხლე უდევდა ბავშვების აღზრდას შესწირა.

სწორედ კარაბანოვზე გვიამბობს ფ. ვიგდოროვა თავის ახალ მოთხრობაში „გზა ცხოვრებისაკენ“. ეს წიგნი დოკუმენტური არ არის, მაგრამ საფუძვლად „პედაგოგიური პოემის“ გმირის თავგადასავალი უდევს. ფ. ვიგდოროვა მოგიტოხრობს, თუ როგორ წავიდა კარაბანოვი მაკარენკოს რჩევით ლენინგრადის ოლქში და მუშაობა დაიწყო ყველაზე ცუდ საბავშვო სახლში, სადაც უდისციპლინობის და უმეგობრობის გარდა უწყსრიგობა და უსუფთაობა მეფობდა. გამუდმებულ მუშაობით, როგორც ამას მაკარენკო ასწავლიდა, კარაბანოვმა მიაღწია იმას, რომ საბავშვო სახლში ბავშვები მეგობრულად ცხოვრობდნენ და სწავლობდნენ.

გბეჭდავთ ნაწყვეტს ამ მოთხრობიდან. მოქმედება 1933 წლის ზაფხულში სწარმოებს. საბავშვო სახლში ბავშვები დაყოფილი იყვნენ რაზმებად. ყოველ რაზმს სათავეში ედგა ბავშვების მიერვე არჩეული ხელმძღვანელი. მეოთხე რაზმი უმცროსი ბავშვებისაგან შედგებოდა, რომელსაც სერგეი სტეკლოვი ხელმძღვანელობდა. მიტია კოროლიოვი კი—მეტსახელად კოროლი—მესამე რაზმის ხელმძღვანელი იყო.

მოგიტოხრობს სიმონ ათანასეს-ძე კარაბანოვი.



მ მ ბ ო ბ რ ე ბ ი ა ს ე ა რ ი ძ ე ე ვ ი ა ნ

ჟუკოვის რაზმი სასადილოში მორიგეობს. ამ რაზმის ბავშვები თავიანთ ხელმძღვანელს ჰგვანან — ყველა რაღაცას იგონებს. ახლაც მენიუ გამოაკრეს. ეს ახალი ამბავია, წინათ ასეთი რამ არ ყოფილა. ახლა კი სასადილოს კარებზე ყოველდღე შეიძლება ახალი ფურცელი დაინახოთ, საქმელების უბრალო ჩამოთვლით კი არა, განმარტებებით:

„უგრებელის ფაფა — ყველაზე სასარგებლო“.

„კისელი რძით — ძალიან გემრიელი“.

ჟუკოველებმა განსაზღვრები ამოუწურავია. ზოგჯერ თავს ნებას აძლევენ კრიტიკული შენიშვნებიც გააკეთონ:

„წვინანი — წყალწყალა“.

„ჩაი — არც თუ ძალიან ტკბილი“.

მაგრამ ეს იშვიათად ხდება: ანტონინა გრიგოლის ასული უყვართ ბავშვებს და ცდილობენ არ აწყენინონ, თუმცა არც თუ ხშირად აქვთ ამის საფუძველი: იგი ჩინებულად ამზადებს.

ერთხელ სუფრები გამოვიგზავნეს, ღმერთმა იცის როგორი, მაგრამ მაინც ახალი და თეთრი. მეორე დღეს, ბავშვებმა სასადილოში შესვლისთანავე დაინახეს, ერთი ამ სუფრათაგანი კედელზე კარბთან იყო გაკრული, გვერდით კი, ქაღალდის ფურცელზე, ისრები წარწერებს აჩვენებდა:

„დღეიდან მენიუს აღარ გამოვიღებთ. რა საჭიროა, სჯობია, დახედოთ სუფრას, რომელზედაც პლეტნიოვმა, კოროლიოვმა, რაუშოვმა და ვოლოდინმა ისადილეს. ყველაფერს დაინახავთ: ყვითელი ლაქა — წვნიანისაა, ყავისფერი — კატლეტისა, წითელი — კნელია... ამაში გარკვევა ადვილია“.

ბავშვები შეჯგუფებულნიყვნენ. წინ მდგომნი იცინოდნენ უკანანი კისრებს იგრძელებდნენ, თითის წვერებზე დგებოდნენ და ხელის კვრით წინ წაწევას ცდილობდნენ. ხმაური მატულობდა. და უცებ, თითქოს ვინმემ უბრძანათო, სიცილი

და ხმაური შეწყდა. კოროლი ტალღას მოარღვევდა. გაბრაზებულსა და ფერწახლულს თვალები მოენუსხა.

კოროლი სუფრასთან მიიჭრა, მაგრამ დაძინახა თუ არა, შეჩერდა და ხრინწიანი ხმით წარმოთქვა:

— სიმონ ათანასეს-ძე, ჩამოხსნან!

— რატომ?

— იმიტომ, რომ ეგ მასხარად აგდებია!

— გეწყინა? — ვუთხარი მე. — ჟუკოვ! სად არის ჟუკოვი? ეს უნდა ჩამოიხსნას, კოროლიოვს ეწყინა!

კვლავ იფეთქა სიცილმა. კოროლი შეტორტმანდა, უკმეხად შეტრიალდა და სწრაფად, თითქმის სირბილით გაემართა კარებისაკენ.

— უცბად ეწყინება ხოლმე... — გააგრძელა ვილაძამ.

— მაგას მხოლოდ თავისთავზე სწყინს, — გამოეხმაურა სტეკლოვი, — როცა სხვებსა სწყინთ, რატომ იმას არ განიცდიხ!


— რა საჭიროა? — დაიყვრა უცებ პლეტნიოვმა. — შეხედეთ, ყველას სუფრა ქუჭყინია. თუ აქამდე მუშაობა ეფარა, —ახლა რაღა საჭიროა სუფრა? მუშაობას გადარეცხავ და ზორჩა!

— მე კი სუფრის მომხრე ვარ, — დინჯად განაცხადა ჟუკოვმა, რომელიც აქამდე უკან ხელებდაწყობილი კედელთან იდგა. — მუშაობა რომ გვიფარია, ყველა ასე ფიქრობს: დიდი ამბავია, თუ დავაქცევ, ან დავსვრიო. იმიტომაც არის, რომ აქაურობა გამოურს დაემსგავსა. სუფრა რომ გვექნება გადაფარებული, ასეა თუ ისე, დაიმახსოვრებენ: გარეცხვა სჭირდება სუფრას.

— ვინ დაიმახსოვრებს? — გამომწვევად იყვირა პლეტნიოვმა.

— მე დავიმახსოვრებ, შენც! კოროლმაც დაიმახსოვროს!

— თქვენი გემოვნების შესახებ ვერაფერს ვიტყვი, ჩემი



...უცებ, თათქოს ვინმემ უბრძანათო, სიცილი და ხმაური შეწყდა...

აზრით კი სუფრაზე სადილობა უფრო სასიამოვნოა, — ვუთხარი მე. — თუ მუშაობას გიფარებენ მაგიდაზე, მაშასადამე ფიქრობენ, რომ შენ დასვრი, დააქცევ, და გასუფთავება დასჭირდებათ. თუ სუფრას გიფარებენ, მაშასადამე, პატივს გცემენ. თქვენი ნებაა, კენჭი ვუყაროთ: აბა, ვინ არის მომხრე, რომ სუფრაზე ვისადილოთ? ოპო, ვერც კი დაითვლი. ვინ არის მუშაობას მომხრე? პლეტნიოვი, რაზუმოვი... შენ, ვალოდინ? ეტყოდა ყველა სუფრის მომხრეა, პლეტნიოვის და რაზუმოვის გარდა. შუკოვ, ახლა კი ჩამოხსენი ეგ სუფრა და ისევ ჩვეულებრივი შენიუ ჩამოჰკიდე.

...ამ შემთხვევის შემდეგ ბავშვები მთელ დღეს ხმაურობდნენ. რასაკვირველია, სუფრისა და მუშაობას არჩევანი კი არ აღელვებდათ: პირველი შემთხვევა იყო ამ საბავშვო სახლის ისტორიაში, რომ ვინმეს გაებედა და წინააღმდეგობა გაეწია კოროლისათვის. დღემდე მხოლოდ ის იყო ყველაფრის ბატონი: პატრონი; უფროსი და ყველაზე ღონიერი ბავშვებიც კი — შუკოვი, სტეკლოვი, პოდსოლნუშკინი მასთან შეჯახებას გაურბოდნენ. მას შემდეგ კი, რაც რაზუმები ჩამოყალიბდა, კოროლის მფლობელობა შეიზღუდა და ახლა მხოლოდ მესამე რაზმის ჩარჩოებით შემოიფარგლა. კოროლი რაზმში, ცოტად თუ ბევრად, პლეტნიოვს და რაზუმოვს უწყევდა ანგარიშს. დანარჩენებს მოურიდებლად უყვიროდა და აჩუმებდა. ბავშვები პატივსაც სცემდნენ. ზოგჯერ, გახურებული თამაშის დროს, გულწრფელად ავიწყებოდათ, რომ მე უფროსი, ხელმძღვანელი ვიყავი, და აზარტში შესულნი, ბურთს ხელიდან მტაცებდნენ. კოროლს კი წუთითაც არ ივიწყებდნენ. ზოგჯერ ვალოდინი, თავდავიწყებულ ბრძოლაში, ბურთის ხელში ჩასაგდებად თავს არ იზოგავდა, მაგრამ საკმარისი იყო კოროლის გამოწვდილი ხელები დაენახა, რომ მყისვე გაეშვა ბურთი. ყველა დღეში, როდესაც კოროლი გუნებაზე არ იყო, მაგრამ მაშინვე გამხიარულდებოდნენ თუკი „მისი ბრწყინვალეობა“ კარგ ხასიათზე დადგებოდა.

...მე მაინც მომწონდა კოროლი. ჯერ ერთი იმიტომ, რომ გულგრილი არ იყო. ყველაფერი იზიდავდა, ჩვენი სახლის ყოველი საქმე უშუალოდ ეხებოდა და ნამდვილად იპოვიდი მასში გულთბილ და დაინტერესებულ მონაწილეს. ამასთანავე მეტად განვითარებული ჰქონდა იუმორი, რასაც მე ძალიან ვაფასებ. კარგად შენიშნავდა ხოლმე სასაცილოს და სხვისი ხუმრობა გააცინებდა — ოღონდ ეს მის საწინააღმდეგოდ არ უნდა ყოფილიყო მიმართული.

...კოროლი შუკოვს დაძაბულად, თითქმის ექვით უყურებდა. „საბავშვო სათამაშოები“ უწოდა პირველი რაზმის მიერ გამოკიდებულ მენიუს.

რასაკვირველია, შუკოვს შეეძლო, რომელი სუფრაც უნდოდა, ის გამოეცადა — ყველა საკმარისად ჭუჭყიანი იყო — მაგრამ სუფრა მაინცა და მაინც კოროლიოვის მაგიდიდან აიღო. თუმცა, რასაკვირველია, როგორც თვითონ, ისე მისი რაზმის წევრებმა კარგად იცოდნენ, რომ ეს თავდასხმას ნიშნავდა და თავდაცვაც სასტიკი იქნებოდა.

საღამომდე კოროლი თვალთ არ მინახავს. არც საძინებელ ოთახში იყო, არც კლუბში, არც ევოში და არც პარკში. მაგრამ ექვით არ შემპარვია, რომ სალაპარაკოდ მოვიდოდა. ჩვენ უკვე კარგი შეგობრული განწყობილება დავამყარეთ ერთმანეთთან. ტყუილად როდი გავგინებრხია მსხვილი მორი და ჯიუტად გვითვალთვლებია ერთმანეთისათვის, რომელი ჩვენგანი უფრო გამძლე და ყოჩაღი იყო. ტყუილად არ გვიმგავარია ერთად ნახევრად ბნელი ვაგონით ჩემი მეუღლისა და ბავშვების შესახებდრად. კოროლი იყო, მათი ჩამოსვლის დეპეშა რომ მომიტანა, მომეხმარა კოსტიკას და ლენას ჩამოყ-

ვანაში. კოროლი პირველი იყო საბავშვო სახლის ბავშვთა შორის, რომელსაც ჩემი შვილები გაეცვენ და დაუმეგობრდნენ.

რალდას ვანგარიშობდი, კარბზე რომ დააკაუნეს.
— შემოდით, — გამოვეხმასურე.
შემოვიდა კოროლი და მაგიდასთან გაჩერდა.
— დაჯექი, — მივმართე მე.
— დაჯდომა საჭირო არ არის, — მკვახედ მიპასუხა მან, მაგრამ სკამზე მაინც დაეშვა. — დაჯდომა საერთოდ არაა საჭირო...

— რაშია საქმე?
— გამოსამშვიდობებლად მოვედი!
— გამოსამშვიდობებლად? საით გასწვი?
— მივდივარ საბავშვო სახლიდან.
— საით?
— სამუდამოდ.
— მე გეკითხები: საით-მეთქი?
— ქვეყანა დიდია, ცოტა გზებია?!..

— მართალია, გზები ბევრია, მაგრამ მაინც რად გიფიქრია წასვლა?
— ვითომ არ იცით...
— არ ვიცი.

კოროლი პირდაპირ შემომხედა. „სულს რატომ იწუქენდ? არა გრტყენია?“ — ამოვიკითხე მის შემოხედვაში. ამოიხრა და შეტრიალდა.

— რადგან არ იცით, გეტყვით: არ მინდა, მასხარად მიგდებდნენ. მომბეზრდა.
— ვინ გიგდებს მასხარად?
— რასა ბრძანებთ, სიმონ ათანასეს-ძევ. — გაცხარდა კოროლი. — დამცინით თუ? სუფრა რომ გამოკიდეს, განა ეს მასხარად აგდება არ იყო?

— თუ ეს მასხარად აგდებაა, მაშინ ყველანი უნდა გაიქცენენ. მაგალითად, სტეკლოვს შენ გასაქანს არ აძლევ, ზედმეტი სახელიც შეარქვი, მაგრამ არც გაქცეულა და არც სწყენია!

— მე იმ სუფრით სახალხოდ შემარცხვინეს.
— განა შენ კი სახალხოდ არ არცხვენ ყველას?
— მე არ ვარცხვენ, უბრალოდ ვიციანი.
— შენზედაც უბრალოდ გაიციენს.

— როგორც გნებავთ, სიმონ ათანასეს-ძევ, შეიძლება სიმართლესაც ლაპარაკობთ, მაგრამ მაინც არ მინდა, რომ ყველა ვიგინდარამ თავისი უფლება გამოიჩინოს ჩემზე. უნდა წავიდე.

იგი მხრებჩამოშვებული იჯდა და გოროზად იყურებოდა ფანჯარაში. ორივენი ვდუმდით.

— იცი რა, დიმიტრი, — ჩუმად წამოვილაპარაკე. — შენ იცი, რომ ძალით მე არავის ვაკავებ. არც შენ დაგაკავებ. მაგრამ ერთს კი ვეტყვი: მეგობრები ასე არ იქცევიან.

მან სწრაფად შემომხედა და ისევ მომარიდა თვალი.
— მეგობრები ასე არ იქცევიან. შენ კარვად იცი, რა იყო აქ წინათ. ისიც იცი, თუ რა ძნელი მისაღწევია, რომ ბავშვებმა აღამიანურად იცხოვრონ და ნამდვილი მოქალაქეები გა-

მოვიდნენ, რომ ჩვენი ცუდი სახლი, რომელზედაც ყველა თითოთი აჩვენებს, ყველაზე კარგი გახდეს. იცი, რომ თუ არა შენ, სტეკლოვი და შუკოვი, ასჯერ უფრო გამძინდებოდა მუშაობა. თქვენ გამიგეთ, მომხმარეთ და გვერდში ამომიდექით, როგორც მეგობრები, ამხანაგები. განა თქვენ არ იცით, რომ ჩვენ, ყველა აღმზრდელები, ამას ვხედავთ და ვაფასებთ. და ახლა შუა გზაზე კი არა, არამედ გზის დასაწყისში, როდესაც ყველა სიძნელე ჯერ კიდევ წინა გვაქვს, შენ მეუბნები: „მივდივარო“. წადი, არ დაგაკავებ. მეგობრებს არ აკავებენ, არც ემუდარებიან, ისინი თვითონ მოდიან და რჩებიან.

კოროლი ნიდაყვებით მაგიდას დაყრდნობოდა, ნიკაპი ხელისუფლებზე დაეხრინა და თვალბეჭეტი მომჩივებოდა..

იგი დუმდა. ავდექი და ფანჯარასთან მივედი...
— სიმონ ათანასეს-ძევ, ღამემშვიდობისათ!
— ღამემშვიდობისა, დიმიტრი.


იგი ადგა და გაემართა, ერთ წამს კართან შეჩერდა... და გავიდა.

საით წავიდა? პირდაპირ სადგურზე? თუ პარკში, ან დასაძინებელ ოთახში. ნუთუ წავა? მე შეგონა, რომ იმ განცდებში, რომელიც ერთად გადავიტანეთ, იგი ჩვენ სახლს შიჯაჭვა, როგორც ყველა და შეიძლება სხვაზე უფრო მეტადაც.

შუალამისას ავდექი და დასაძინებელ ოთახისაკენ გავემართე. კორიდორში პეტია მორიგეობდა.

— ეს მე ვარ, — მომმართა პეტია, მაგრამ მე იმისათვის არ მეცალა. ბავშვები რომ არ გამეღვიძებია, სუნთქვაშეკრულმა გავიარე მესამე რაზმის ოთახი და მაშინვე დავინახე, რომ კოროლის საწოლი ცარიელი იყო.

თვლებს არ დავუჯერე და ახლოს მივედი.
— არა, არ შევმცდარვარ, არავინ იყო.



წინარად გამოვბრუნდი უკან; პეტკას დიმილისათვის, რომლითაც ჩვეულებრივად მესალომებოდა, არ მიპასუხნია. კაბინეტში შევედი და დავწვიქი, თუმც მტკიცედ ვიცოდი — არ დამეძინებოდა.

თარგმანი თამარ მთვარელიშვილი

(დასასრული შემდეგ ნომერში)



ძია მიხომ მიღიციანი

ძია მიხომ ხომ გახსოვთ? —
ცოცხლობს, ისევ აქ არი,
მეზღვაური ყოფილი,
ამხანაგი მაგარი.
გახსოვთ, გახსოვთ ვაჟკაცი
ჩუმი და არხენი?
ცისფერ სახლში ცხოვრობდა,
მეტსახელად ყენი.
აღბათ, გინდათ გაიგოთ
მისი ბედი შემდეგი:
ისევ ჩვენში დაბრუნდა
გუშინ ფლოტის ზემდეგი.
დადის მიხომ ქუჩებში,
არის ერთ დიდ ამბავში;
მხრებზე კვლავ სამხრევით,
წელზე დიდი დამბაჩით.
მკერდზე ბრწყინავს ორდენი,
თითქოს მთების კალთაზე;
საბჭოეთის გერბი აქვს
მიხოს ქამრის ბალთაზე.
მოდის მიხომ ქუჩაში
და გზად გამვლელ პიონერს
უკვირს: „შეხეთ, შეხედეთ
მიხოს მილიციონერს!“
ძია მიხოს გამვლელნი
ტკბილი სიტყვით ამკობენ,
მიდის, — თვალს აყოლებენ,
სულ ღიმილით ამბობენ:

„მილიციის რიგებში
ეს გვყავს ჩვენდა ბედათო,
ქუჩაში რომ გუშავობს
კილომეტრზე ვხედავთო“.

* * *

შუქნიშანი გაუფუქდა
მთელი ქუჩა ივსება.
ყვითელი რომ აინთო,
მწვანე აღარ ინთება.
დკას ათასი მანქანა,
დგას, საწვავით იცლებს, —
მწვანე შუქი არა ჩანს,
ავტო ვერ დაიძრება.
შფოთავს ქუჩის მორიგე,
გზის წესრიგის დამცველი.
შფოთავს მინის კარავში, —
ვერ უნახავს საშველი.
ძია მიხოს ეძახის:
„ჰა, ჩავვარდი ჭირშიო,
მეგობარო, მიშველე.
იქნებ რჩევა მირჩიო“.
მიხომ ხელით ჩამოხსნა,
განა ბოძზე ავარდა!
შუქნიშანი გასინჯა,
სადღაც რაღაც გამართა,
უცებ შუქიც აინთო
თითქოს ელვა-მეხითა...
მანქანები დაიძრნენ,
გაჰქრნენ კისრიტეხ-თა.


იმღერიან ბავშვები —
მიხოს შერჩეს ჯანო,
მას დღეიდან ვუწოდოთ —
„მიხომ-შუქნიშანიო“.

* * *

ამ სადგურის ბაქანზე
ნეტავ საქმე რაშია?!
ბავშვმა დედა დაჰკარგა,
სტირის, ერთ ამბავშია.
მილიციას უხმობენ
ძახილით და ქაქანით.
მილიციაც მოვიდა, —
ძია მიხომ აქ არის.
ძია მიხომ მიიჭრა,
ბავშვი მაღლა ასწია:
„გადიხედე მაღლიდან,
აბა, ჩემო პაწია!“
გადიხედა პაწიამ
ცრემლით, გულის ფანცქალით,
აგერ დედაც გამოჩნდა,
ისიც სტირის საწყალი.
დედა შვილთან მიიჭრა,
დედა გულით გალაღდა;
მიხომ ამბობს; „კარგია,
ეს ოჯახი დალაგდა“.

* * *

წამოსული სკოლიდან
ბიჭი გზაზე მიჰქროდა,
ცელქი, შარის ამტეხი
ისევ შარზე ფიქრობდა.
მოდოდნენ სკოლიდან
მშვიდნი, როგორც ფრთოსნები,
გოგონები ნორჩები,
ყველა ფრიადოსნები.
დახვდა გზაზე გოგონებს
ბიჭი გულგაღებლილი,
ხალათამოჩაჩული,
ქამარგადაგრეხილი,
დაეჯახა გოგონებს,
უშნოდ გადიხარხარა.
თითო-თითოდ უზიძგა
და ტალახში ჩაჰყარა.





ჰა, მშველელი ვინ არი?
უხმობს მშველელს ბებია: —
„ჰა, იცხონეთ სულიო,
მოდით, გადაგვარჩინეთ
მე და თეთრეულიო“.
ძია მიხო ხიდზე დგას,
იციქრება შორიდან:
აგერ ხიდთან ყინულით
ბებრუხანა მოვიდა...
უცებ ხიდი მაღალი
სულ გაივსო ხალხითა:
ძია მიხო მოაჯირს
გადეყუდა მაღლიდან.
დასწვდა ხელით მდინარეს
და ბებიას ჩასჭიდა;
ის კი ხელს ჰბევეს სარეცხსაც
ერთის შრომა-გარჯითა.
ხიდზე ხალხი ხარხარებს:
„სარეცხს ხელი უშვიო“,
ის კი ამბობს: „— სარეცხიც —
გენაცვალე სულშიო“.
საქმე მორჩა. წავიდა
ხალხი ყოველ მხარესა...
ძია მიხომ უშველა
ბებიას და სარეცხსაც.

* * *

სახლი ახალთახალი
დიდ მოედანს შკენოდა;

ამას კაცი იკადრებს
წესიერი, მამაცი?!
აი, როგორ მოიქცა
აბეზარი, ზარმაცი.
მერე უცებ მოჰკურცხლა —
ტრამვაისთან აღმოჩნდა,
შემოახტა ტრამვაის,
საფეხურზე ჩამოჯდა.
მაგრამ მაშინ ქუჩაზე
ძია მიხო გამოჩნდა.
ტრამვაისკენ გადადგა
სამი დიდი ნაბიჯი,
ბიჭი ვაგონს ჩამოსხნა;
— „რა კაცი ხარ, რა ბიჭი!“

რისხვად ისმის მისი ხმა:
„რა გვარი ხარ? ვისი ხარ?
ახლა წადი გადაეც
ქუჩის ამკლებ სხვა ბიჭებს, —
ვერვინ ვერ გაეძცევა
ძია მიხოს ნაბიჯებს“.

* * *

გაყინულა მდინარე,
თითქოს თეთრი ქვებია;
ყინულზე ზის მოხუცი —
სარეცხს რეცხავს ბებია.
უცებ გატყდა ყინული
და დაიძრა მდინარე,
ყინულს მიაქვს ბებია —





ცამდე აზიდულიყო
ცათამბჯენი შენობა.
ცათამბჯენთან გუშავად
იდგა მილიციელი,
ხალხს ეხატა სახეზე
გაოცება ძლიერი.

„ძია მიხო, საიდან!
რათა დგახარ აქაო?
შენი ძველი ადგილი
ხომ არ დაგეკარგაო?“
მიხო ამბობს: — „ვარგივარ
მილიციის მუშაკად,
ცათამწვდენი დამნიშნეს
ცათამწვდენის გუშავად“.

* * *

სასრიאלო ადგილზე
დგანან მოციგურენი;
ყოველ კუთხით მოსულან
ციგაობის მსურველნი.
უცებ მისცა ნიშანი
მათ მაშხალის ჯახანმა,
ხალხი ჰყვირის: „გაასწრო
ყველას ერთმა მაღალმა“.
მიჰქრის, თითქოს მწერია,
გულზე „9“ აწერია.
ერთი ამბობს, — შეხედეთ
ეს „სპარტაკის“ წვერია.
ვინ მიასწრო ფინიშთან,
ვინ აღმოჩნდა ძლიერი?

ძია მიხო, შალალი,
მიხო-მილიციელი.
მიხოს ჯილდო მოართვეს,
მიხომ ჯილდო ასწია...
მიხო მთელ მილიციის
საამაყო კაცია.

* * *

ახლა საგუშავგოზე
მიხოს მიეჩქარება,
წუთით დაგვიანებაც
მიხოს სულ ეჯავრება.
მიხო ეძებს ქუჩაში,
ეძებს ნაცნობ მანქანას,
გაჰყვეს საგუშავგომდე
ნაცნობ შოფერს, ამხანაგს.
ერთი მძღოლი ეძახის:
„თანახმა ვარ სავსებით,
მაგრამ ამ ჩემს „მოსკვიჩში“
შენ ხომ ვერ მოთავსდები?!
დამიცადე, ახლავე
მოგატარებ ამ ქალაქს,
წავალ, ახლავ მოვიყვან
სამტონიან მანქანას“.

* * *

ერთხელ მიხოს გარშემო
შემოერთყნენ ბავშვები;
„სდექ! ახლავე შეჩერდი,
სდექ! არ არის საშვები!“
— „ძია მიხო, უფროსო,
ჩვენს შორის პრომდარჩესო,
თქვენთან გამოსარკვევი
საკითხი გვაქვს ბავშვებსო.
გემიდან რომ დაბრუნდი
მეზღვაური ნამდვილი,
მილიციის გარეშე
სხვა ვერ ნახე ადგილი?“

ძია მიხო იცინის,
თითქოს ზეცა ელაგსო:
„ყმაწვილებო, ახლავე
გიპასუხებთ ყველასო.
ჩემი შრომა, პირიქით,
არის მეტად საქები,
მილიცია საქმეა
დიდად პასუხსაგები.
ყველას გვერდით ვუდგავართ,
თუ ჩავარდა ჭირშია,
ცუდი საქმის ჩამდენს კი
მილიციის შიში აქვს.
სამწუხარო ეს არის,
ეს მინახავს ხალხში მე, —
ცელქ ბავშვს ხშირად მშობელი
მილიციით აშინებს.
მეც ხომ მილიცია ვარ,
მის რიგებში ვითვლები.
ასეთი რამ რომ მესმის,
სირცხვილისგან ვწითლდები“.
დიდხანს, დიდხანს ბავშვები
საუბრობდნენ ძიასთან,
ჩვენი დედა სამშობლოს
წითელ მილიციასთან.
მერე ერთხმად დასძახეს:
„შეგრჩეს, შეგრჩეს ჯანიო,
კარგად იყოს, ჯანმრთელად
მიხო-მუქნიშანიო“.

თარგმნა ირაკლი აბაშიძემ





პიონერული ახალი ამბები

პიონერული ტრაქტორი



ხარკოვის ქუჩაბანდებსა და ეზოებში სულ უფრო ხშირად ფუსფუსებდნენ პატარა გოგო-ბიჭები, რომელთაც ყელზე ალისფერი ყელსახვევი ეკეთათ, ისინი გულმოდგინედ კითხულობდნენ: ხომ არ არის სადმე რკინის ან ფოლადის საგნები, რომლებიც გადაგდებულია და არავის სჭირდებათ. იქნებ თუჯის ქვაბული აგდია სანაგვე ყუთში?

ში? თუ აღმოაჩენდნენ ასეთს, სასწრაფოდ ჩაიწერდნენ და ახლა სხვაგან გაიკითხავდნენ. პატარები არც გარეუბნის მიყრუებულ ადგილებს ერიდებოდნენ.

ეს მხოლოდ უბრალო ცნობისმოყვარეობა როდი იყო: ესენი ხარკოვის მე-ნ საშუალო სკოლის პიონერები იყვნენ. მთელი რაზმეული გამოცხმაურა მოწოდებას ჯარის შეგროვების შესახებ. მათ პირობა დადეს, რომ 45 ტონა ჯარის შეგროვებდნენ და აი, წინასწარ გაგზავნილ „მეგვარავებს“ განუწყვეტლივ მოჰქონდათ ცნობები, თუ სად შეიძებოდა ლითონის შოვნა.

მითითებულ ადგილზე სასწრაფოდ გაეშურნენ უფროსი ბიჭები. დაიტვირთა ხელურმები, აივსო ტომრები და მალე ჯარის მთა დადგა. ეზოებიც გასუფთავდა და პირობაც შესრულდა.

შეგროვებული ლითონისაგან ხარკოვის სატრაქტორო ქარხანამ გააკეთა ტრაქტორი, რომელზეც გამრჯე პიონერებმა სიამაყით ამოიკითხეს წარწერა: „გაკეთებულია ჯარისაგან, რომელიც შეგროვებს ხარკოვის მეხუთე სკოლის პიონერებმა“.

ბამრჯე პიონერები

ესტონეთში პრანგლის ქაობიდან პატარა ნაკადული ვადის კამბიანის შევიწლიანი სკოლის მახლობლად ნაკადული მდინარედ იქცევა. სკოლის პიონერებმა გადაწყვიტეს ამ მდინარეზე ელსადგური აეგოთ. მათ ამაში ხელს უწყობდა ფიზიკის კარგი ცოდნა. პატარა მშენებლები ბუშაობას შეუდგნენ. სწრაფი მდინარეა ხშირად ხელს უშლიდა მათ, მაგრამ საქმეს შეუპოვრად განაგრძობდნენ. საგაზაფხულო არდადეგებისათვის ელსადგური კიდევ აამუშავეს. ბიჭებმა სკოლაში ელექტროგაყვანილობა მოაწყეს და სკოლა, რომელიც აქამდე უბრალო ლამპით ნათებოდა, ახლა ელნათურებით გაშუქდა. ელსადგურის მეშვეობით პიონერებს ექნებათ თავისი რადიოკვანძი, კარგად აღჭურვილი ფიზიკის კაბინეტი და სხვ.

ცოცხალ კუთხეში

ბიოლოგიურ მეცნიერებათა დოქტორს, პროფესორ ლ. ვ. ბოიცოვს ერთ დღეს ესტუმრნენ მოსკოვის 114-ე სკოლის მოსწავლეები, ნორჩ მიხურინელთა წრის წევრები. ბავშვებმა პროფესორს თხოვეს რამდენიმე ქაობის წავი. პროფესორმა დააკმაყოფილა მათი თხოვნა და თან სათანადო რჩევა-დარიგებაც მისცა ნორჩ ბიოლოგებს.

ამ დღიდან დასახლდნენ სკოლის მეორე სართულზე პატარა ცხოველები, რომლებიც მიჩვეულნი არიან ცხოვრებას მხოლოდ სამხრეთ ამერიკის ქაობებში. მათ მომვლელბად წრემ დანიშნა ლიონია ფომინი, ტანია ორლოვა, ირა და ნატაშა ეგოროვები. მორიგეები ზუსტად იწერენ უურნალში დაკვირვებებს, თვალს ადევნებენ წავების ზრდას.



ამჟამად მათ უკვე თოთხმეტი ქაობის წავი ჰყავთ, სულ მალე კი მეტი ეყოლებათ.

საცვარელი სტუმრები

თბილისის თოჯინების სახელმწიფო თეატრი დიდი სიყვარულით სარგებლობს ნორჩ მაყურებლებს შორის. პატარები აღტაცებით შესცქერიან სცენაზე გამოსულ თოჯინებს, განიცდიან მათ ყოველ მოძრაობას, სიტყვას; იცინიან, ერთობიან მათთან ერთად და ხშირად ისიც კი ავიწყლებათ, რომ სცენაზე ცოცხალი ადამიანები როდი მოქმედებენ. ამას ისინი უნდა უმაღლოდნენ თეატრის უნარიან, ნიჭიერ კოლექტივს.

ამას წინათ თბილისის 30-ე საშუალო სკოლის პიონერთა რაზმეულმა შეხვედრა მოუწყო თოჯინების „სულის ჩამდგმელებს“ — საყვარელ მსახიობებს. მოსწავლეები ტაშის გრიალით შეხვდნენ დარბაზში შემოსულ სტუმრებს. ნორჩი მაყურებლის შთაბეჭდილებანი და სურვილები გამოთქვეს მოსწავლეებმა: გიორგი ავალიშვილმა, ლალი გოჭაძემ, თ. შარუხიამ, ს. თოდაძემ და სხვ. ნახული სპექტაკლების შესახებ ილაპარაკა მესამეკლასელმა პიონერმა დავით დვალმა.

პატარებმა საკუთარი თვითშემოქმედებაც უჩვენეს სტუმრებს. თვალწარმტაცი იყო მესამეკლასელი პიონერების მონტაჟი „გაზაფხული“.

ნორჩ მაყურებლებს სიტყვით მიმართეს თეატრის მთავარმა რეჟისორმა გ. მიქელაძემ, მსახიობებმა ე. ცეტიშვილმა და ვ. ნიკოლაიშვილმა. სტუმრებმა მოსწავლეებს მადლობა გადაუხადეს გულთბილი მიღებისათვის და სწავლაში წარმატება უსურვეს.



შეხვედრას მიეძღვნა სპეციალური კედლის გაზეთი.

არტეკი! მსოფლიოს თითქმის ყველა ბავშვმა იცის, რომ შავი ზღვის ეს შესანიშნავი მზიური სანაპირო საბჭოთა ბავშვებს ეკუთვნის.

გამოჩენილი ფრანგი მწერალი — კომუნისტი ანრი ბარბიუსი არტეკის შესახებ წერდა: „ეს ნამდვილი სამოთხეა, მაგრამ სამოთხე მიწიერი, რეალური“.

მოლოტოვის სახელობის, შრომის წითელი დროშის ორდენოსანი საკავშირო პიონერული ბანაკი არტეკი მიმდინარე წლის ივნისში თავისი არსებობის 30-წლის-თავს აღნიშნავს.



კომუნისტურმა პარტიამ და საბჭოთა მთავრობამ თავიდანვე განსაკუთრებული ყურადღება მიაქცია იმას, რომ ყირიმის ბუნების სამკურნალო საშუალებები ფართოდ ყოფილიყო გამოყენებული ბავშვთა დასვენებისა და ჯანმრთელობის კერად. რუსეთის სოციალისტური რესპუბლიკის ჯანმრთელობის დაცვის სახალხო კომისარიატმა ოცდაათი წლის წინ არტეკში გახსნა სანატორიული ტიპის პიონერული ბანაკი.

1925 წლის 16 ივნისს არტეკში ანძაზე პირველად აღიმართა წითელი ალამი. ამ დღიდან დაიწყო არტეკის არსებობის ისტორია.

მთელ საბჭოთა ქვეყანასთან ერთად წლითიწლობით იზრდებოდა და ლამაზდებოდა არტეკი. ჩვენი სამშობლოს ყოველი კუთხიდან ყოველ წელს ჩამოდიოდნენ არტეკში ნორჩი პიონერები დასასვენებლად და ენერგიის მოსაკრებად. აქ ისვენებდნენ: თემურ ფრუნზე — გამოჩენილი მხედართმთავრის მიხეილ ფრუნზეს ვაჟი, რომელიც დიდი სამამულო ომის დროს საბჭოთა კავშირის გმირი გახდა, ვალოდია დუბინინი — პატარა გმირი პარტიზანი, ტაჯიკი გოგონა — ორდენოსანი მამლაკატ ნახტანგოვა, ორდენოსანი ბერსაბი ხამგაკოვი, რომელმაც საუკეთესო ჯიშის ცხენი გამოზარდა, და სხვა პიონერები.

1934 წელი არტეკისათვის ღირსშესანიშნავი თარიღია. ამ წელს არტეკში პიონერებთან სტუმრად ამხანაგი მოლოტოვი ჩამოვიდა. ბავშვებმა ძვირფასი სტუმარი დიდი ზეიმით მიიღეს და არტეკის საპატიო წევრად აირჩიეს.

სამამულო ომის პერიოდში, ფაშისტ დამპყრობლების მიერ ყირიმის დროებით ოკუპაციის დროს, არტეკმა დიდი ზიანი განიცადა. ფაშისტების მიერ დანგრეულ და განადგურებულ იქნა მეორე ბანაკის შესანიშნავი სასახლე, აჩეხილ იქნა ლამაზი ბაღი და სხვ., მაგრამ როგორც კი საბჭოთა ჯარებმა ყირიმი გაათავისუფლეს, კომუნისტური პარტიის ცენტრალურმა

მ რ ი ა რ ზ ე კ ი

კომიტეტმა და მინისტრთა საბჭომ დაავალა კომკავშირის ცენტრალურ კომიტეტს არტეკის სასწრაფოდ აღდგენა. აღდგენითი სამუშაოების ჩატარებისა და პარკის გაშენების დაწყებიდან სამი თვის შემდეგ, 1944 წლის 6 აგვისტოს, არტეკის ბანაკებში კვლავ აფრიალდნენ ანძებზე წითელი ალმები. აქ დასასვენებლად 500 მოსწავლე და პიონერი ჩამოვიდა.

გაიზარდა და კიდევ უფრო ლამაზი გახდა მას შემდეგ არტეკი. აიუ-დაგიდან გურუშუფამდე 7 კილომეტრის მანძილზეა გადაჭიმული მისი ტერიტორია შესანიშნავი პარკებით, სასახლეებით და ლამაზი ნაგებობებით. მთელი წლის განმავლობაში ისვენებენ აქ ბავშვები. უკანასკნელი წლების მანძილზე არტეკში 30 ათასამდე პიონერმა და მოსწავლემ დაისვენა.

მრავალფეროვანი და საინტერესო დასვენება აქეთ ნორჩ პიონერებს არტეკში. ისინი ბედნიერად და მხიარულად გრძნობენ აქ თავს; ბანაობენ ზღვაში, მოგზაურობენ ყირიმის ღირსშესანიშნავი ადგილების დასათვალიერებლად, აგროვებენ სხვადასხვა მცენარეებსა და მწერებს, აწყობენ სვითშემოქმედების საღამოებს და ყველასათვის მიმზიდველ და საინტერესო კოცონებს.

ყოველი პიონერისათვის, რომელიც კი ყოფილა არტეკში, დაუფიქარია არტეკის კოცონი. რამდენი გრძნობა, ენერგია, ინიციატივა და გამომგონებლობაა ჩაქოვილი თითოეული კოცონის მოწყობაში. ხშირად კოცონზე სტუმრებსაც პატივობენ. ესენი არიან სხვადასხვა ბანაკის პიონერები, სანატორიუმების დამსვენებლები, ჩვენი ქვეყნის გამოჩენილი ადამიანები: მწერლები, არტისტები, მეცნიერები, ოფიცრები, გენერლები. არტეკის კოცონებზე სხვადასხვა დროს მონაწილეობა მიიღეს საბჭოთა კავშირის სამგზის გმირმა ა. პოკრიშკინმა, მწერლებმა: პ. პავლენკომ და ლ. კასილმა, სოციალისტური შრომის გმირმა ა. კოტინმა, საბჭოთა კავშირის სახალხო არტისტმა კნიპერ-ჩეხოვამ და სხვებმა.

არტეკში ნორჩი პიონერები ერთმანეთის დაუფიქარი მეგობრები ხდებიან. აქ მეგობრობის წმიდა გრძნობა ერთმანეთთან აკავშირებს ალტაისა და ლატვიის პიონერებს, ციმბირიდან, თურქმენეთიდან, რუსეთიდან ჩამოსულ მოწაფეებს. არტეკში შავი ზღვისპირის ამ შესანიშნავ ადგილას საბჭოთა პიონერებთან ერთად ისვენებენ ჩინეთის, ბულგარეთის, პოლონეთის, რუმინეთისა და სხვა დემოკრატიული ქვეყნის პიონერები. აქ შეგხვდებათ ფრანგი გოგონა, ინდოელი ბიჭუნა და სხვა ქვეყნის ნორჩი წარმომადგენლები.

ვინც კი თუნდაც ერთხელ ყოფილა არტეკში, მისთვის დაუფიქარია შავი ზღვის პირას გაშენებული ეს მშვენიერი და წარმტაცი პიონერული ბანაკი.

გიორგი ლომინაძე



ვერ გამიგია, რა ადამიანები ხართ!



ქიგმონდ მორიცი (1879—1942) გამოჩენილი უნგრელი დემოკრატი მწერალია. მშრომელი ხალხის წრიდან გამოსული მორიცი თავის რომანებსა და ნოველებში დამაჯერებლად და მაღალმხატვრულად აგვიწერს უნგრელი ხალხის ჩაგვრას კაპიტალისტებისა და მემამულეებისაგან, უნგრელი ხალხის ბრძოლას თავისუფლებისა და უკეთესი მერმისისათვის.

ქ. მორიცი კალამს ეკუთვნის რომანები „ოქრო ტალახში“, „გათენებამდე“, „დიდებულთა ღზინი“, დაუთმავრებელი ტრილოგია „შანდოფ როჟე“ და მრავალი ნოველა.

განთავისუფლებული უნგრელი ხალხი დღეს დიდად აფასებს ქიგმონდ მორიციის შემოქმედებას.



ვალკა და ბანიკა ხელიხელჩაკიდებული მიყვებოდნენ ქუჩას. ისინი სკოლიდან ბრუნდებოდნენ. ჩვეულებრივ, კუთხესთან გოგონები ერთმანეთს ცილდებოდნენ: ბანიკა შესახვევს აუყვებოდა, ვალკა კი ფართო ქუჩაზე განაგრძობდა გზას.

მაგრამ ამ ჯერად ვალკამ ხელი არ გაუშვა ბანიკას და თან გაიყოლა.

- წამოდი, წამოდი! შენ ჩვენთან უნდა ისადილო.
- არა...
- მასწავლებელმა ხომ თქვა! ჰოდა, ისადილებ.
- უი, აპ, არა...

ვალკა ყურს არ უგდებდა ბანიკას და თან მიათრევდა. იგი მეგობარზე უფრო ჩასუქებული, ღონიერი და თამამი იყო. ბანიკამ იცოდა, რომ მასწავლებელმა ვალკიას დაავალა თავის მამიკოსათვის ეთხოვა: ერთ-ერთ ღარიბ მოსწავლეს ყოველდღე სადილით გამასპინძლებოდა. მასწავლებლისათვის სულ ერთი იყო ვის გაუმასპინძლებოდნენ და, რადგან გოგონები უკვე მეგობრობდნენ, დაე ბანიკა ყოფილიყო. ბანიკას არ უნდოდა ვალკიასთან სადილად წასვლა. რატომ არ უნდოდა, ეს თვითონაც არ იცოდა, მაგრამ არ უნდოდა კი.

ვალკიამ კი იცოდა, რომ ბანიკა დღეს მას ეკუთვნოდა და არაფრის გულისათვის არ სურდა მეგობრის გაშვება. მან მაგრად ჩაჰკიდა ხელი ბანიკას და თან გაიყოლა, უფრო სწორად—წაათრია. ვალკა ძალიან ამაყობდა იმით, რომ მეგობარი შინ მიჰყავდა, და ერთი სული ჰქონდა, რკინის ჭიშკარს იქით აღმოჩენილიყო, რადგან იცოდა, რომ მამინ უკვე ბანიკა ვეღარსად გაექცეოდა.

— დედიკო, დედიკო! — ყვირილით მივარდა იგი დედას. — ახლა ბანიკა აღდგომამდე ჩვენთან ისადილებს! მასწავლებელმა თქვა.

დედიკომ გაიცინა და შვილი გადაკოცნა. იგი ძალიან ბედნიერი იყო, რომ ვალკა ასე საყვარელი, ღამაში და ჯანმრთელი ჰყავდა, თან ასე მომხიბვლელად ტიტინებდა.

— მასწავლებელმა თქვა? ოპ, ეს მასწავლებელი!

მან კვლავ დაჰკოცნა შვილი და მხოლოდ ახლა შეხედა გონონას, რომელიც ვალკამ თან მოიყვანა.

— მართლა ასეა, გოგონავ?

მაგრამ ბანიკა ჩუმად იღვბა, თავი დაეხარა და კაბის კალთას ისრესდა.

ვალკა კი ტიტინს განაგრძობდა.

— იმიტომ, რომ იგი ღარიბის ბავშვია. და ყველა ღარიბის ბავშვი ვინმესთან უნდა სადილობდეს, — მასწავლებელმა თქვა.

მან ზურგიდან აბჯა მოიხსნა და წერილი მოძებნა, რომელსაც მასწავლებელი დედიკოს უგზავნიდა.

დედიკომ წერილი ჩამოართვა, წაიკითხა და თქვა:

— კარგი, გოგონა, დააწყე შენი ნივთები შემოსასვლელში, მერე სააბაზანო ოთახში გადი და ხელები კარგად დაიბანე. შენც დაიბანე შენი ჭუჭყიანი თათები. — მან სიყვარულით მოუცაცუნა ხელი, კიდეც დაუკოცნა შვილს გათხვრილი ხელები.

შემდეგ პატარები სააბაზანო ოთახში გაიყვანა, ონკანი მოუშვა. კრიალა მილიდან წყალი წამოვიდა. დედიკომ პატარასთან დააგროვა წყალი. ძალიან ღამაზ, თეთრ სკამზე დადგა. ჯერ გულმოდგინედ დაბანა ვალკიას ხელები, შემდეგ დაუკოცნა ახლა უკვე ვარდისფერი თათები და ბანიკას უთხრა:

— შენც დაიბანე ხელები, ოღონდ კარგად.

ამის შემდეგ დედიკო სასადილო ოთახში გავიდა და მოახლეს უთხრა მაგილაზე კიდეც ერთი ხელი ჭურჭელი დაეღა.

— როჟე, წადით სააბაზანოში, — დაუმატა მან, — იმ გოგოს ხელები კარგად დაბანეთ! მისი მაღალკეთილშობილება ვერ იტანს, როდესაც ბავშვები სუფრასთან ჭუჭყიანი ხელებით სხდებიან.

როჟე სააბაზანოსკენ გაეშურა და კარგადაც მოიქცა: ბანიკას ფიქრადაც არ მოსვლია ხელები თასში ჩაეწყო. როჟემ გოგონას ხელი წაავლო გულმოდგინედ დაბანა ხელები, პირი, შემდეგ თმიდან სავარცხელი ამოიძრო და თავი დაავარცხნა.

— აი ასე, — კმაყოფილებით თქვა მან.

ვალკა და ბანიკა სასადილო ოთახში დროზე შევიდნენ: სწორედ იმ წუთს გამოჩნდა მისი მაღალკეთილშობილება და მაშინვე იკითხა:

— ვინ არის ეს გოგო?

ვალკა კასერზე ჩაოქვიდა თავის მამიკოს და უთხრა:

— ბანიკამ აღდგომამდე ჩვენსა უნდა ისადილოს ყოველ დღე.

— ოპო!

— მასწავლებელმა თქვა.

დედიკომ მოკლედ აუხსნა რაშიც იყო საქმე და წერილი აჩვენა.

— რა გქვია, გოგო? — დინჯად ჰკითხა მამიკომ.

— ბანიკა! — წამოიყვირა ვალკამ.

— მე შენ არ გეკითხები, — შენიშნა მამიკომ, — მითხარი თუ შეიძლება, რა გქვია?

— ბანიკა, — მიუგო გოგონამ.

— ძალიან კარგი. მამაშენს რა ქვია?

— მამუკა, — თქვა ბანიკამ.

— ეს შენ ეძახი ასე. სხვები როგორ მიმართავენ?

— ოსტატო!

— მისი სხვა სახელი არ იცი? ვთქვათ, იანოშ ვარგა... მიხაილ კოვარი... მასაც ხომ რაღაცას ეძახიან? აბა, პა მაშ, როგორ?

— არ ვიცი.

— ეზე, მამამ ესეც კი არ შეგაწავლავს.. შენ რაღა გქვია?— მოუბრუნდა იგი თავის ქალს.

— ვალიკა, — უბასუხა შეილმა.

— სწორეა, მე რაღა მქვია?

— მამიკო.

— ოო, შე სულელო, მაიმუნო! როგორ მომმართავენ სხვები?

— თქვენო მალაქეთილ-შობილებავ!

— ო, პო, პო, შენ ისწავლე იმისგან... მართალი ვარ, როდესაც ვამბობ, სკოლები, სადაც სხვადასხვა წოდების ბავშვები სწავლობენ, არაფრად ვარგა. ასეთი ბატარა მაიმუნები იქ მხოლოდ სულელდებიან. ახლა კი ვისადილოთ, მე მშოა.

მაგიდას შემოუსხდნენ, ვალიკამ თავისი მიჩენილი ადგილი დაიკავა. მოახლემ სკამზე ბალიში დაუდო პანიკას, გოგონა ზედ დასვა და გაიცინა.

მაგიდას თეთრი სუფრა ევარა, ზედ თეთრი თევზები ელაგა და შუაში თეთრი ლანგარი იდგა. ყველა თევზს ოქროს ვარაყი ქონდა შემოვლებული. მხოლოდ პანიკას თევზს არ ქონდა ვარაყი. მაგრამ იგი მიინც ლამაზი იყო.

დედამ წვნიანი გადმოუღო ვალიკას, მამას, თავისთვისაც დაისხა, ბოლოს პანიკას მიაწოდა.

— გიყვარს წვნიანი? — ჰკითხა მან პანიკას, მაგრამ გოგომ არა უბასუხა რა.

პირველი თავი სადილი რომ მოათავეს, მამიკო ვალიკას მიუბრუნდა.

— შენ მართლა არ იცი რა მქვია მე?

— დოქტორ ანტან ვადკერტი. — უბასუხა ვალიკამ.

— აი, ხედავ, ყველას აქვს თავისი სახელი, ყოველ ადამიანს. შენმა მეგობარმა კი ისიც არ იცის, რა ქვია მამამისს.

პანიკამ თავი ჩაღუნა.

წვნიანის შემდეგ ხორცი შემოიტანეს საწებლით. დედიკომ ხორცი წვრილად დაჭრა ჯერ ვალიკასთვის, შემდეგ პანიკასთვის და თქვა:

— ჩანგლით უნდა ჭამოთ.

პანიკამ დახედა ჩანგალს, კიდევ შეეცადა გამოეყენებინა იგი, მაგრამ ხორცს არაფრით არ უნდოდა ჩანგალზე დამაგრებულიყო!

— ჭამოს კოვზით, როგორცაა შეჩვეული. — თქვა მამიკომ. კოვზის საშუალებით პანიკამ ადვილად მოუღო ბოლო ხორცსაც და საწებელსაც. პურიც კი ჩაფშენა თევზში, მაგრამ ვალიკას სიცილი რომ შეესმა, გაწითლდა და თავი ჩაღუნა.



— არ მიყვარს, როდესაც სურთ გაიგონ, რით ირჩენს თავს ლატაკი.

შემოიტანეს ლაფშა, მადის აღმძვრელი, თეთრი ლაფშა, მსუქანი ხაჭოთი. პანიკას ნება დართეს ეს საჭმელი კოვზით ეჭამა.

— მერე კი შენც მოვიხდება ისწავლო ჭამა. ხედავ, როგორ ლამაზად ჭამს ვალიკა.

როდესაც სუფრიდან წამოიშალნენ, მამიკომ თქვა:

— აი რა, გოგონა, ახლა სახლში წადი და მამას გადაეცი, ჩემთან მოვიდეს, მასთან მოსალაპარაკებელი მაქვს.

პანიკა იმ წამს გაიქცა თავის პალტოსაკენ, ჩაიცვა და წასასვლელად გაემზადა.

— მოითმინე, ხომ საჭიროა გამასპინძლებისათვის, როგორც წესია, მადლობა გადაიხადო, წასვლის დროსაც—ყველას უნდა გამოემშვიდობო... — მაგრამ პანიკა ხმას არ იღებდა.

— არაფერია, ისწავლის, — თქვა მამიკომ, — აღდგომამდე კიდევ დიდი დროა.

მამიკომ ყოველივე ეს ალერსიანი ხმით წარმოთქვა, გაიცინა კიდევ, ოდნავადაც კი არ გამწყურალა, მაგრამ პანიკამ ისევ ჩაღუნა თავი და კარებისაკენ გაეშურა.

ვალიკას გაცილების ნება არ მისცეს: ეშინოდათ არ გაციებულყო.

— მამაშენს უთხარი დაუყოვნებლივ მოვიდეს ჩემთან. მინდა სამუშაო მივცე.

მამიკო დასასვენებლად მიწვა, ერთ საათს წათვლიმა და როდესაც გამოეღვიძა, პანიკას მამა, ღარიბი, ცუდად ჩაცმული დიღური მუშა უკვე პარმალზე იდგა. მისი მალაქეთილშობილების გამოსვლისთანავე მან ქული მოიხადა. მისი მალაქეთილშობილება წარმოსადეგი, ბრგე მამაკაცი იყო, დიღური მუშა— პატარა, გამხდარი კაცი, გაღუული სახით.

— თქვენი სახელი?

— იანოშ ტაკარო!

— კეთილი... თქვენი ქალი აღდგომამდე ყოველდღე ჩემთან ისადილებს, გასაგებია?

დღიურმა მუშამ უხმოდ დაუქნია თავი
— თუ იგი კარგად დაიჭერს თავს, მიიღებს ჩემი შვილის ნახმარ კაბებსა და ფეხსაცმელებს. მიიღებს ყველაფერს, რაც საჭიროა, ოღონდ კარგად მოიქცეს. რით ირჩენთ თავს?

— უმუშევარი გახლავართ.
— დიდი ხანია?
— რაც მკა გათავდა იმ დროიდან.
მისი მაღალკეთილშობილება უსიტყვოდ უმზერდა დღიურ მუშას, ისიც ჩუმად იყო, ქუდი ხელში ეჭირა და დუმდა.
— მერე რით ცხოვრობთ?
დღიურმა მუშამ მხრები აიჩეჩა და კვლავ უსიტყვოდ გაჩერდა.
— რამდენი შვილი გყავთ?
— ექვსი.

— ჭექისი?.. ჰმ... როგორ გაბედეთ ასე დაწვრილშვილება თუ ლუკმაპურის შოვნის თავიც არა გაქვთ? თუმცა ეს სულერთია!.. აი, რა ჩემო მეგობარო. მე ვკისრულობ თქვენი შვილი-სადმი მზრუნველობას, აღდგომამდე იგი ყოველდღე ივლის ჩემ ქალთან ერთად. ამისათვის არაფერს გადაგახდევინებთ. გასაგებია? და რომ არ იფიქროთ, თითქოს, თქვენ ქალს მუქთად ვინახავ, ოჯახში რაიმე გააკეთეთ. ხედავთ შეშის საჩეხს? — და მან ეზოს სიდრემში მდგარ ფარდულზე მიუთითა. — მიღით იქ, ცოტა შეშა დააბეთ და ბარიბარს ვიქნებით.

იგი გატრიალდა და სახლში შევიდა.
დღიური მუშაც მიბრუნდა, ქუდი დაიხურა, თოვლისაგან გაკვალული გზით ეზო გადასჭრა და ფარდულისაკენ გაეშურა. ნაჯახი მოძებნა და შეშის ჩეხვას შეუდგა. ორი საათი ჩეხა, შემდეგ კი წავიდა, — არავისთვის არაფერი უთქვამს. შებინდებისას მოახლე როკემ ბატონს შეატყობინა, დღიური მუშა წავიდა.

— მერე რა! — თქვა მისმა მაღალკეთილშობილებამ და და წავიდეს! მე კი მინდოდა მისთვის ჭკა არაყი შეჰეთავაზუნა.

მეორე დღეს გოგონა სკოლაში არ გამოცხადებულა, არც ვალიკასთან მოსულა სადილად.
რაკი პანიკა არ მოდიოდა, ვალიკა ტიროდა.
— არა უშავს რა, ხვალ მოვა!
მაგრამ პანიკა აღარ გამოჩენილა.
რამდენიმე დღის შემდეგ კი გოგონა მიავიწყდათ.
როგორღაც მისმა მაღალკეთილშობილებამ დღიურ მუშას ქალაქის რატუშის შენობის წინ მოჰკრა თვალი. იგი უმუშევართა შორის იდგა მოღუშული. მისმა მაღალკეთილშობილებამ იგი იხმო.

— თქვენ იანოშ ტაკარო ხართ?
— დიახ!
— სად არის თქვენი ქალა? რატომ არ მოდის ჩვენთან სადილად?
დღიურმა მუშამ არა უპასუხა რა, მხოლოდ დაქინებული გამოკითხვის შემდეგ ცივად და მკაცრად წარმოთქვა:

— არ მიყვარს, როდესაც სურთ გაიგონ, რით ირჩენს თავს დატაკი.
მისმა მაღალკეთილშობილებამ დღიურ მუშას გაკვირვებით შეხედა და თქვა.
— ვერ გამოგია! ნუ თუ არ გეზრალევათ, თქვენი ქალი შიმშილობს, ულუკმაპუროდ ზის? ვერ გამოგია რა ადამიანები ხართ!

დღიურმა მუშამ არა უპასუხა რა, მიბრუნდა და წარბშეკვრით მიაჩერდა სივრცეს.

თარგმნა თინა სულიაშვილმა

მეგობრები

ცხენები ქარივით მიჰქროდნენ მოედანზე, ზღვა ხალხი თვალებს ვერ აშორებდა დაწინაურებულ ორ ბედაურს, რომლებსაც დიდი მანძილით უკან მოეტოვებინათ დანარჩენი მეტოქენი. ახლა უკვე ყველასათვის ცხადი იყო, რომ სწორედ ისინი — თეთრონი და წაბლისფერი — წყვეტდნენ მარულაში პირველობის ბედს.

ნორჩი მხედრები ზურგზე მიჰქროდნენ ატოტებულ ცხენებს, დროდადრო მკვირცხლად დაჰკვივებდნენ, რომ უფრო სწრაფად გაეწიათ წინ.

— აბა, ჰე, წაბლავ, მიდი!
— გასწი, თეთრონო! გასწი! — ეიოდნენ ბავშვები, რომლებიც მოედნის განაპირას ჭადარზე აცოცხებულიყვნენ და ზვიდან დასცქეროდნენ მარულას.

ბედაურები ელვისქარულად უახლოვდებოდნენ ფინიშს, იწყებოდა უკანასკნელი მანძილის გარბენა, როცა თეთრმა ცხენმა იძალა და გაუსწრო წაბლას.

— მიდი, მიდი! — კვლავ გაისმა წამაქეზებელი შეძახილები.
და უცებ მოედანზე საოცარი რამ მოხდა: თეთ-



რი ცხენი წინა მუხლებზე გადაყირავდა და მხედარიც ბურთივით გაისროლა წინ...

სუნთქვა შეეკრა ყველას. წაბლისფერი ბედაურის ნორჩი მხედარი კი უზანგზე შედგა და ისე მარჯვედ მოსწია ალვირი, რომ ცხენი ჯერ შეტოტდა, შემდეგ კი ისარივით დაესო შემთხვევის ადგილზე.

მხედარი სწრაფად გადმოხტა უნაგირიდან, მიიჭრა მეგობართან, ფეხზე წამოაყენა და თეთრონზე შეჯდომა უშველა.

გრილებდა ტაში. ისინი კვლავ ერთად მიჰქროდნენ ფინიშისაკენ, სადაც გამარჯვებულს წითელი ალამი ელოდა.

ბორის შენგელია



ა. მახანავილი

ნახ. შ. ცხადაძისა

მ გ ლ ე ბ ი

მ თ ხ რ ო ბ ა

საზღვრისპირა სოფელი ვარდისუბანი მთავორიან ადგილზე მდებარეობს. სოფელს გასცდებით თუ არა, ტყე იწყება. ისეთი უღრანი და გაუვალად ადგილებია რომ, თუ ადამიანი ნავალი არ არის, ადვილად დაიკარგება. ტყეს ორ ნაწილად ჰყოფს პატარა ღელე. ტყის გამოღმა ნაწილს, რომელიც სოფელს აკრავს, «თავთანიანის ტყეს» ეძახიან. მეორისათვის, რომელიც ღელედან იწყება, «ნასახლარის» შეურქმევიათ, რადგან ახლაც შეხვდებით იქ ძველ ნასოფლარ ადგილებს, ციხის ნანგრევებს, სოფლის გზებს... «ნასახლარს» იქით კი უღრან ეკლოვან ადგილებში გადის სახელმწიფო საზღვარი.

ადრე დილით გამოვიდნენ ანდრო და ოთარი სახლიდან. წყებლის ცემით ერეკებოდნენ ჯორს და ისიც, თავჩაქინდრული, მორჩილად მისდევდა გზას. ბიჭებმა ტყისკენ აიღეს გეზი. მათმა ფეხის ხმამ დაარღვია სოფლის მყუდროება; აყეფდნენ ავი ძაღლები და ასე ყუფით გააცვილეს ანდრო და ოთარი სოფლის ბოლომდე.

— ადრე მოგვიხდა გამოსვლა, ანდრო, ხედავ, მხოლოდ ჩვენ მივდივართ ამ გზაზე, — უთხრა ოთარმა ძმას.

— არა უშავს, ჩქარა ვიაროთ. მალე მზეც ამოვა, სამაგიეროდ, ადრე ავალოთ, შესასაც თავის დროზე დავამზადებთ და ბებია მართასაც გაუხარდება შინ დროზე რომ დაგბრუნდებით, — უპასუხა ანდრომ და ჯორს შეუძახა: — გასწი მერცხალა, გასწი!...

მერცხალამ ყურები დააბარტყუნა, მერე კისერი გაიწვინა და მისი სახელისათვის შეუფერებელი ხმა ამოუშვა.

თითქმის ორი საათი იარეს ბიჭებმა. მერე ერთი დიდი მუხის ქვეშ ჩამოსხდნენ დასასვენებლად.

მზე ამოვიდა და ტყეც შეეგება ფრინველების ქრიამულით, წყაროების დუღუნით, ფოთლების ტამით. პირქუში ტყე უცბად შეიცვალა, თვალწარმტაცი გახდა.

— აბა, გვეყოფა დასვენება, საქმეს შევუდგეთ. — თქვა ოთარმა და ზეზე წამოდგა. ბიჭებმა მერცხალა ბალახზე მიუშვეს, თვითონ კი ნაჯახები მოიმარჯვეს და შეშის დამზადებას შეუდგნენ.

შუადღემდე თითქმის ერთი ურემი შეშა დაამზადეს, — ტყის პირას გამოზიდეს და გზაზე დააწყვეს. ის იყო, ხელახლა უნდა შედგომოდნენ მუშაობას, და ოთარმა მერცხალა მოიკიხა.

ჯორი არსად ჩანდა. ბიჭები შემოვოდნენ.

— მერცხალა, ჰაუ, მერცხალა! — ეძახდნენ ისინი, მაგრამ მერცხალა თითქოს მიწამ ჩაყლაპაო, — მისი კვალცი კი არ ჩანდა. ბოლოს გადაწყვიტეს ცალ-ცალკე ეძებნათ. ანდრო ღელის ზირს შეუყვავა, აღმართზე, ოთარი კი ჭალისკენ დაეშვა. მან ტყეში, ახლო-მახლო რაც ბუჩქნარები იყო, სულ შემოიბრინა და ერთგან შეჩერდა: ცეცხლის დანანთები შენიშნა, ეტყობა ცოტა ხნის წინ აქ ადამიანები ყოფილან. იქვე ახლოს პატარა გამოქვაბული დაინახა. გამოქვაბულთან ცარიელი კონსერვის კოლოფები ეყარა.

„ალბათ, მონადირეებმა დაისვენეს“, — გაიფიქრა ოთარმა. ის იყო წასვლას აპირებდა, რომ მიწაზე რაღაც ბრწყინავ ნივთს მოჰკრა თვალი, ნაგავი მოქექა და ხელში ახალთახალი საპარსავი შერჩა. ოთარს გაეხარდა. მას ყოველთვის ძალიან უყვარდა ასეთი ნივთები. საპარსავი კარგად დაათვალიერა: ბიჭოს, წარწერა! მაგრამ წარწერა არც ქართული იყო და არც რუსული. ოთარმა ასოები იცნო, მაგრამ წარწერა ვერ გაიგო და თავის თავზე გული მოუვიდა. საპარსავი ფრთხილად შეხვია და ჯიბეში ჩაიღო.

მერცხალა არსად ჩანდა. დაღონებულმა ღელე გადაჭრა და ახლა გაღმა ნაპირზე დაუწყო ძებნა. მალე შენიშნა კვალცი-აშკარად მისი კვალი იყო. ოთარი მიჰყვა ნაკვალევს და თან ხმამალა ეძახდა მერცხალას. მალე ბუჩქნარი გათავდა და ასკილის ჯაგებში ოთარმა თვალი მოჰკრა რაღაც შავს. ახლოს მივიდა და... ეს იყო საბრალო მერცხალა.

მგელს დაეგლიჯა პირუტყვი — ცალი ბარკალი და გვერდი თითქმის გამოქმული ჰქონდა.

ოთარს სიმწრისაგან რა ექნა არ იცოდა. გული შეეკუმშა, ცრემლები მოადგა თვალზე და უწყებ ინატრა თოფი, ნამდვილი თოფი, რომ მოეკლა საბრალო მერცხალას ამ ღელეში ჩამგდები.

მაგრამ არც მგელი იყო სადმე და არც თოფი. ასკილის ზურქთან მერცხალას ლეში ეგდო, ირგვლივ საშიში არაფერი ჩანდა, მაგრამ ოთარს ძალზე მოუნდა გვერდით ყოლოდა თავისი უფროსი ძმა და შეღმართს საჩქაროდ გასძახა:

— ანდროო!

ულრანებმა ძახილი გაიმეორეს და მერე პასუხიც მოესმა:

— ოპოპოოოო...

— აქეთ, ანდრო, აქეეთ.

* * *

ბიჭებმა იქვე სახელდახელოდ გათხარეს მიწა და მერცხალას ნარჩენები დამარხეს. ახლა უფრო ის აღონებდათ, — რა ეთქვათ ბებია მართასათვის. როგორ უყვარდა ბებიას მერცხალა! მერცხალა იყო მისი მარჯვენა ხელი, წყნარი, თვინიერი დამჯერე პირუტყვი.

მზე ჩასვლაზე იყო, როცა ბიჭები ტყიდან გამოვიდნენ და სოფლის გზას დაადგნენ. ერთ ხანს იარეს. დაიღალნენ, ძალიან მოშინდნენ, მუხის ქვეშ ჩამოსხდნენ გზის პირას და საჭკელი ამოიღეს. უხმოდ, უსიტყვოდ შეექცეოდნენ პურსა და ყველს.

უცებ ცხენის ფეხის ხმა მოესმათ, უკან მოიხედეს: გზაზე სამი მხედარი მოაჭენებდა ცხენებს. ბიჭები სასწრაფოდ გზის ნაპირას გადგნენ და გზა დაუთმეს მხედრებს, რომლებშიც მესაზღვრეები იცნეს. მეთაურმა, ცხენი შეაყენა და ბიჭებს მიმართა:

— ბიჭებო, სად ყოფილხართ, გზა საით გაქვთ?

— ტყეში, შეშაზე, — უპასუხა ოთარმა.

— მერე, ცხვირ-პირი რას ჩამოგტირით? — გაიცინა მესაზღვრემ.

— მგელმა ჯორი შეგვიჭამა, ძია, — წყნარად თქვა ანდრომ.

მესაზღვრეს სახე შეეცვალა.

— ვერ მოგვლიათ კარგი საქმე. — თქვა მან, — და ეგ?

— ცუდი ამბავი დაგვემართა, ძია, — ჩაერია ოთარი, — აი, იქ, ხარითავას ტყეში, გამოქვაბული რომ არის, იმას იქით... იქ კონსერვის კოლოფები ეყარა და მე აი, ეს საპარსავი ვიბოვე. რა ვუთხრათ ახლა ბებიას!

— რაო? — ყური სცქვიტა მხედარმა. — რის კონსერვები, რა საპარსავი? აბა, ერთი აქ მოიტა... — ოთარს საპარსავი გამოართვა და ყურადღებით გასინჯა. ბიჭებმა შემაჩნის, როგორ შეიკრა მხედარმა წარბი და უფრო მეტი ყურადღებით ჩააქტერდა საპარსავს. «ალბათ, წარწერა ამოიკითხა, — გაიფიქრა ოთარმა, — მე კი ვერ ამოვიკითხე»...

— აბა, კარგად ამისხენით, — მიუბრუნდა ბიჭებს მეთაური, — სად არის ის გამოქვაბული, ახლოს ხომ არაგინ შეგიმჩნევიათ...

ბიჭებმა დაწვრილებით აუხსნეს. მეთაურმა საპარსავი ჯიბეში ჩაიღო, ცხენს ღეზი შემოჰკრა და გაკურცხლა, უკან სხვა მესაზღვრეებიც გაჰყვნენ.

ბიჭები ვერაფერს მიხვდნენ და ერთმანეთს გადახედეს.

* * *

მეორე დღეს სოფელზე სამმა მხედარმა ჩამოიარა; წინ ხელგაკრული, თავჩაქინდრული კაცი მოუძლოდათ. როდესაც ხალხის ყოყინა მოესმა, უცნობმა წარბებქვემოდან გამოანათა ქროლა თვალები, და ვიღაცამ დაიძახა:

— მგელივით არ იბღვირება ეს ოჯახქორი!

მეთაურმა სოფლის ბიჭებს გადახედა, ოთარსა და ანდროს გაულიმა, თავი დაუქინა და თავისთან იხმო.

— აი, ბიჭებო, რა ჰქნა თქვენმა საპარსავმა!

მერე ტყავის პლანშეტი გაიხსნა, იქიდან შინდისფერი ავტომატური კალმისტარი ამოიღო და ოთარს გაუწოდა:

— საპარსავი ჩვენთან დარჩება. ეს კი სახსოვრად გქონდეს, მოსწავლე ხარ და გამოგადგება.





ოთარ გიზინიძე

ჩვენი მოგზაურობა დაიწყო თბილისის აეროდრომიდან 1954 წლის 28 ივლისს, დილით. პამირისაკენ მივმგზავრებოდით 22 მთამსვლელი, სწორედ იმდენი, რამდენ მგზავრსაც იტევს თვითმფრინავი „ილ-12“. ამიტომ მთელი თვითმფრინავი ჩვენთვის იყო განკუთვნილი.

მალე თვალს მიეფარა თბილისი, გავიარეთ მინგეჩაურის წყალსაცავი, ბაქო, კასპიის ზღვა, თურქმენეთის დედაქალაქი აშხაბადი, ყარაყუმის უდაბნო, შუა აზიის უდიდესი მდინარე ამუ-დარია, რომელმაც ვიწრო ზოლად გაიღვავა თვითმფრინავის ფრთებქვეშ. კარგად ჩანდა, რომ ამუ-დარიას წყლის ფერი ისეთივე იყო როგორც მის გარშემო უდაბნოს ქვიშისა. ყველას გაგვახსენდა ჯერ კიდევ საშუალო სკოლაში გეოგრაფიის გაკვეთილებზე ნასწავლი, რომ ამუ-დარია მსოფლიოში ერთ-ერთი ყველაზე უფრო მღვრიე მდინარეა. მას დიდი რაოდენობით თან მოაქვს შუა აზიის უდაბნოების ქვიშა. ამიტომ ამუ-დარიას წყალი თითქმის შავია.

ამუ-დარიასთან დამთავრდა თურქმენეთი და დაიწყო უზბეკეთი. თვალი მოკვარით ქალაქებს ბუჩარასა და სამარ-ყანდს. ეს უზბეკეთის უძველესი ქალაქებია, სადაც შუა საუკუნეებისდროინდელი ბევრი შესანიშნავი არქიტექტურული ნაგებობაა. მაგრამ ზევიდან მათი გარჩევა შეუძლებელი იყო. ახლა კი ვინანეთ, რომ ხმელეთით არ გვიხდებოდა მგზავრობა და ამიტომ არ გვქონდა საშუალება გავჩერებულიყავით იქ, სადაც ჩვენთვის საინტერესო ადგილებს ვნახავდით.

გჩერდებით უზბეკეთის დედაქალაქ ტაშკენტში, შემდეგ კი განვაგრძობთ გზას ყირგიზეთის ქალაქ ოშისაკენ.


ოში ყველას ძალიან მოგვწონს. ეს ნამდვილი ქალაქი-ბაღია, ყოველი ქუჩა ხეივანია. ქუჩები სავსეა უზბეკურ და

ყირგიზულ ტანისამოსში გამოწყობილი ხალხით, ქრელი ზოლიანი ხალათებით, უზბეკური მრგვალი ქუდებით. მაგრამ არა მარტო ისინი იპყრობენ ჩვენს ყურადღებას, მთამსვლელური ჩაცმულობის გამო, ჩვენც გავხდით მათი ყურადღების საგანი. ქუჩებში ხშირად გვაჩერებენ და გვეკითხებიან, თუ სადაურები ვართ, ჩვენც ხალისით ვუხსნით, რომ ჩამოვედით საქართველოდან და მივმგზავრებით პამირისაკენ.

ერთხელ ჩაინანაში, სადაც უზბეკები და ყირგიზები გრძელ ნარებზე გაგებულ ფარდაგებზე იხსდნენ და უშაქრო, მწვანე ფერის ჩაის შეექცეოდნენ, როგორც ეს შუა-აზიაში მიღებული, ერთმა გრძელწვერა ყირგიზმა დაწვრილებით გამოგვკითხა თუ საით მივმგზავრებით. გამოირკვა, რომ ეს მოხუცი ყირგიზი პამირიდანაა. მან დინჯად თავი გააქნია, მოსვავ ერთი ყლოუბი ჩაი და დასძინა: „პამირის მწვერვალები მაღალნი და მიუვალნი არიან, ფრინველებიც ვერ აღიან მათ სიმაღლეზე — ჰაერი არ ყოფნით. მაგრამ თქვენ კავკასიონზე ხართ გაზრდილნი, ამბობენ თქვენშიც მაღალი მწვერვალებია, თქვენ ალბათ ახვალთ“. შემდეგ თითო ფილა ჩაი მოგვაწოდა და გვიჩინა მთელი გზა ჩაი გვესვა, სიცხეში გაგაგრილებო, სიცხეში კი გაგათბობო.

ოშიდან იწყებოდა ჩვენი მგზავრობის ახალი ეტაპი. აქედან უნდა გავმგზავრებულიყავით პამირისაკენ.

ქალაქი ოში პამირის თითქმის ყველა ექსპედიციის საწყისი პუნქტია. წინათ აქ იწყებოდა დიდი საქარავნო გზა, რომელიც ფერგანის ველს და შუა აზიის სხვა მახლობელ პუნქტებს აკავშირებდა ჩინეთთან და ინდოეთთან. მრავალ დღეს უნდებოდნენ მამინ აქლემების ქარავნები პამირის გავლას. საშიში და ძნელი იყო მათი მგზავრობა. მრავალი მოგზაური დაიღუპა პამირის მაღალმთიან უდაბნოებში და უღელტეხი-



ლებზე. ახლა კი პამირზე შესანიშნავი საავტომობილო გზა გადის. ამ გზის სიგრძე 700 კილომეტრზე მეტია. გზაზე რამდენიმე უღელტეხილია. ზოგი მათგანი 4000 მეტრს აღემატება, ხოლო ყველაზე მაღალი აკბათალი კი 4600 მეტრს, ე. ი. ბევრად უფრო მაღალია ვინე კავკასიონის ბევრი მარად თოვლიანი მწვერვალი.

ავვისტოს, ნახადილევს, ორი დატვირთული ავტომანქანით „ზის-150“ გავდივართ ოშიდან. სამთო საქურვლით დატვირთული ყუთები სკამებად გამოიყენეთ, ზედ კი კარები და საძირე ტომრები გადავაფარეთ ისე, რომ ნამდვილ სავარძლებს დაემსგავსენ.

გზა ჯერ ველებს მისდევდა, მაგრამ მალე აღმართებიც დაიწყო და ავტომანქანები დაქანებულ ფერდობებს შეჰყვნენ.

მთების მოახლოებამ ძალიან გავვახლისა. პირველი მანქანით მიმავლებმა სიმღერა წამოიწყეს, მათ მეორე მანქანიდან მისცეს ბანი. შემხვედრ მანქანებიდან მგზავრები ხელს გვიქნევნენ, მშვიდობის გზას გვისურვებენ.

უკვე ბნელოდა, როდესაც გავიარეთ პირველი უღელტეხილი ჩიგირჩიკი და ჩავედით სოფელ გიულჩაში. ღამის გასათევად ჩაიხანას მივადექით. აქ ჩაიხანები არა მარტო ჩაის დასალევი ადგილებია, არამედ სასტუმროების როლსაც ასრულებენ.

მეორე დღე წვიმით შემოგვეგება. გადავიხურეთ კარები და ისე შევუდექით გზას. გარშემო მიდამოს ეტყობა, რომ საკმაოდ მაღლა ვართ. შორს თოვლიანი მწვერვალებიც გამოჩნდა. შევუდექით თალღიკის უღელტეხილის აღმართს. უცებ უცნაური სტენა შემოგვესმა. ჯერ გვეგონა, რომ ფრინველებია, მაგრამ თვალი ვერაფერს მოგვკარით. მხოლოდ მერე, კარგა ხნის შემდეგ დავინახეთ ჩვენთვის უცნაური ცხოველები. შესახედვად თავებს ჩამოგავდნენ, ზომით კი მოზრდილი ლეკვების ტოლი იყვნენ. ეს იყო შუა აზიასა, მონღოლეთში და ჩინეთში გავრცელებული ცხოველი თარბაგანი. ჩვენმა შოფერმა ბორისმა, რომელსაც უკვე მრავალი წელია, პამირის ავტოტრაქტით დაჰყავს მანქანები. ბევრი საინტერესო გვიამბო ამ ცხოველების შესახებ. მასზე ნადირობა მეტად ძნელია, ვინაიდან თავის სიბრტყის შორი მანძილით იშვიათად თუ მოსცილდება და პირველ საშიშროებისთანავე სოროში ძვრება. თარბაგანის სიბრტყის მრავალი განშტოება აქვს და მისი თქვიდან გამოდენა თითქმის შეუძლებელია. მაგრამ თარბაგანს ღუპავს საშიშნელი ცნობისმოყვარეობა. როდესაც თარბაგანი ადამიანს ან სხვა რამე არსებას დაინახავს, დიდი ინტერესით ადევნებს მას თვალყურს. და მონადირემ მაშინ უნდა უხელოთს დრო და ესროლოს. სოზარ გუგავა, რომელიც შესანიშნავი მონადირეა, ჩამოღის მანქანიდან და მიდის თარბაგანზე სანადიროდ. თარბაგანებით სავსეა ფერდობები, სოზარის მიახლოებისას სოროსაკენ გარბიან, შესასვლელთან ჩერდებიან, წამოწევენ კისრებს და დიდი ინტერესით შეჰყურებენ. ეტყობა, რომ მათში იბრძვის ორი გრძნობა: ერთის მხრივ ცნობისმოყვარეობა, მეორეს მხრივ კი შიში. ჯერ ცნობისმოყვარეობა სძლევთ, და სოზარს ახლოს უშვებენ, მაგრამ, როგორც კი სოზარი თოვს იმარჯვებს, წამსვე სოროში მიიმალებიან. ბევრი სდია სოზარმა, ბევრი ეცადა, მაგრამ აშაოდა.

შუადღისათვის გადავიარეთ თალღიკის უღელტეხილი და ალაის ველზე გავედით. ალაის ველი ალაისა და იმერეთისა ქედებს შორის მდებარეობს. სამწუხაროდ, ავდარი გრძელდება, გარშემო სქელი ნისლია, მთებიც დაბურულია. ჩვენ კი იმედი გვქონდა, რომ დავინახავდით იმერეთის ქედის პანორამას. იმერეთის ქედის მწვერვალები სიმაღლით ზღვის დონიდან 7000 მეტრს აღწევენ. ამ მწვერვალთა შორის არის ჩვენი ქვეყნის ერთ-ერთი უმაღლესი მწვერვალი, ლენინის სახელობისა. ამბობენ, რომ განსაცვიფრებლად დიადი და ლამაზია ეს ქედი ალაის ველიდან, ამ მხრივ მას ტოლი არა ყავს მსოფლიოს სხვა მთაგრეხილებს შორის. მაგრამ ჩვენს წინ ახლა მხოლოდ ღრუბლების სქელი ფარდაა. რა გაეწყობა, იქნებ უკან დაბრუნებისას გამოიღაროს, მაშინ მაინც შევხედავთ.

ლარივით გაწოლილი გზატკეცილით გავიარეთ ალაის ველი. ველს მოჰყვა იმერეთის ქედის ვიწრო ხეობა და კივილარტისა და უბიულაის უღელტეხილები.

როდესაც კიზილარტის უღელტეხილს გავცდით, ავდარი უკან დაგვრჩა. ცა უცებ მოიწმინდა, ღრუბლები ალაის ქედის მწვერვალების უკანასკნელ ქიმებს შერჩნენ. ბუნებამაც მკეთრად იცვალა სახე. ნამდვილ უდაბნოში ვართ, განსაკუთრებით მას შემდეგ, რაც უბიულაის უღელტეხილს გავცდით. ამ ადგილებს ასეც უწოდებენ — ყარაყულის უდაბნო. ყარაყული საკმაოდ მოზრდილი ტბა ამ უდაბნოს ცენტრში. ამ ადგილებში წვიმა და თოვლი თითქმის არასდროს არ მოდის მიუხედავად იმისა, რომ ყარაყულის უდაბნოს სიმაღლე ზღვის დონიდან 4000 მეტრს აღემატება. აქ თითქმის მუდამ მზეა ზამთარშიც და ზაფხულშიც. მხოლოდ იშვიათად, ძალიან იშვიათად თუ მოიღრუბლება მცირე ხნით და ოდნავ მოთოვს ან მოწვიმს.

შებინდებისას გავიარეთ აკბათალის უღელტეხილი და დამე მურღაბში გავათითე. შემდეგ დილით კვლავ განვაგრძეთ გზა. უდაბნოებს მწვანე ბალახით მოფენილი ველები სცვლის. აქ ყირგიზების საძოვრებია. ყირგიზი მწყემსები იურტებში ცხოვრობენ. იურტა ეს მეტად ორიგინალური სახლია, ფორმით სულ მრგვალია, აშენებულია მიწაში ჩასობილ ფოხებისაგან, რომელთაც გარშემო ქეჩა აქვთ შემორტყმული, სახურავადაც ქეჩაა გადაფარებული. იატაკად ასევე ქეჩა გამოყენებული. იურტას ათობენ შუაცეცხლით, რომელზედაც საქმელსაც აშაუდებენ. როდესაც მწყემსი ყირ-



15 ავვისტოს ავიკიდეთ ზურგჩანთები და მდინარე ნიშგარს ავეყვიეთ.



16 აგვისტოს 5400 მეტრის სიმაღლეზე ავედიტ.

გიზები ადგილიდან ადგილზე გადადიან ან საზამთრო საძოვრებზე მიდიან, თავისი სახლი-იურტაც თან დააქვთ. დაშლიან, აკიდებენ ცხენს ან აქლემს და მიაქვთ ახალ ადგილზე დასადგმელად. ასე თავისუფლად შეგიძლიათ ერთ დღეში გადაიტანოთ ადგილიდან ადგილზე მთელი სოფელი.

ღამით მდინარე ფიანჯის ნაპირას სოფელ ისორში ჩავედით. სახელდახელოდ, იქვე, მდინარის ახლოს, მწვანე მოლზე დავდგით კარვები და დავიძინეთ.

დილით შესანიშნავი სანახაობა წარმოგვიდგა: ჩვენს წინ, მდინარე ფიანჯის გაღმა აღმართულიყო უზარმაზარი, თოვლიანი მწვერვალებით დაკვირვებულ კედელი. ეს იყო ჰინდუკუში, მსოფლიოს ერთ-ერთი უდიდესი და უმაღლესი მთარეხილი.

ფიანჯის იქითა ნაპირზე, ჩვენგან სულ ახლოს, დანგრეული ქოხნახები ჩანდა, რამდენიმე მათგანიდან კვამლიც ამოდიოდა, ნანგრევებს შორის ადამიანები მოძრაობდნენ. სოფლიდან ცოტა მოშორებით, ბაღში დიდი და კარგი ორსართულიანი შენობა იდგა. შიგ სოფელში კი არ იყო არც ერთი ხე. სოფელი, რომელსაც ვუყურებდით, რაღაც უცნაური იყო. როგორ არ გავდა ის ისორს, სადაც ჩვენ ვიყავით დაბანაკებული, ის არ გავდა არც სხვა ჩვენს მიერ ნახულ სოფელს, საერთოდ არ გავდა საბჭოთა სოფელს. კარგად ჩანდა, რომ იქ, გარდა იმ ერთი სახლისა, სოფლის განაპირას რომ იდგა, სილატაკე და სიხჩავე სუფეფდა. მართლაც, გაღმა რომ სოფელს ვხედავდით, არც იყო საბჭოთა სოფელი. მდინარე ფიანჯაზე გადის ჩვენი დიადი სამშობლოს სახელმწიფო საზღვარი, მდინარის გაღმა კი კაპიტალისტური ქვეყანა — ავღანისტანია.

ჩვენს კარვებთან რამდენიმე ისორელი ტაჯიკი კოლმეურნი იდგა, ჩვენს გასაცნობად მოსულიყვნენ. ერთმა მათგანმა, სახელად ისმაილბეკმა, გადმისკენ ხელი გაიშვირა და გვითხრა: „აი ის, სოფლის განაპირას რომ სახლია, სოფლის ბატონს — ხანს ეკუთვნის, ხოლო სოფელი მცხოვრებლებიანად მისი საკუთრებაა“. აქამდე ჩვენ მარტო წაკითხულიდან ვიცოდით, რომ კიდევ არსებობენ დედამიწის ზურგზე ქვეყნები, სადაც არიან ბატონები, მდიდრები და ღარიბები, ადამიანები, რომლებიც სხვა ადამიანების საკუთრებას შეადგენენ, ახლა კი რამდენიმე ასიოდ მეტრის მანძილზე ჩვენთვის თვალთ ვხედავდით.

ისორში ჩავედით 5 აგვისტოს. 6 აგვისტოს დილიდანვე და-

ვიწყეთ მზადება მწვერვალებზე ასვლებისათვის. საქმე ძალიან ბევრი გექონდა. უნდა მოგვერგო საქურველი და მათ შორის ისეთიც, რომელიც დღემდე ჩვენთვის სრულიად უცნობი იყო. მაგალითად, შეკელტონები. შეკელტონი — ეს ქეჩაფენილი ჩექმა და კავკასიონზე არ იზმარება, ჩვენ კი აქამდე მხოლოდ კავკასიონის მწვერვალებზე დავდიოდით. კავკასიონის მწვერვალები პამირის მწვერვალებთან შედარებით დაბალია, ამიტომ მათზე ისეთი დიდი ყინვა არ იცის, როგორც პამირის მწვერვალებზე. პირველად ვიცვამდით აგრეთვე სუსხურის ბუმბულნაფენილ კოსტუმებს. სუსხური — ჩრდილოეთის ფრინველია და მეტად თბილი და მსუბუქი ბუმბული აქვს. ამიტომ პოლუსისა თუ ყინულოვან ოკეანეთა მოგზაურების ტანსაცმელს ყოველთვის სუსხურის ბუმბულს უფენენ. ამ ტანსაცმელში და შეკელტონებში საკმაოდ სასაცილოდ გამოვიყურებოდით — ყველანი გოლიათებს დავემსგავსეთ.

რამდენიმე დღის შემდეგ გადავინაცვლეთ სოფელ ვრანაში, რომელიც ისორიდან რამდენიმე კილომეტრითაა დაცილებული. 10 აგვისტოს დილით ბარგი აკვიდეთ ვირებს და დავიძარით ნიშგარის ხეობისაკენ. ამ ხეობით უნდა მივსულიყავით კარლ მარქსის სახელობის მწვერვალის ძირამდე, საიდანაც დავიწყებდით ამ მწვერვალზე ასვლას.

ნელა მივევებოდით აღმართს. ჯერ იოლად მივდიოდით, მაგრამ შუადღისას, როდესაც მზემ დაგვაცხუნა, ვიგრძენით, თუ რას ნიშნავდა შუა აზია. გარშემო არ იყო არც ერთი ხე, არ იყო ბალახი, არ იყო წყალი, მხოლოდ ქვა და სილა გვერტყა. ქვა და სილა მზისგან საშინლად გახურდა და პირდაპირ გვუთქვამდა. წყალი საშინლად გვეყუროდა, მაგრამ მხოლოდ მისი შორეული ხმაური ძალიან შორიდან, სადაც ნიშგარის ხეობის ფსკერიდან გვესმოდა, მაგრამ დასაღწევად ვერ მივწვდებოდით. მოთმინება გეჭარბებდა. ასეთია მთამსვლელობა! ყველაფერში დიდ მოთმინებას მოითხოვს. მთელი დღე ვიარეთ. ზოგ ადგილას ბლიკი იმდენად ვიწროვდებოდა, რომ ჯერ ბარგის ხელით გადატანა გვიხდებოდა და შემდეგ ვირების გადაყვანა. მხოლოდ დღის ბოლოს მივაღწიეთ მდინარე ნიშგარის ზედა დინებას და მდინარის პირას ბალახიან მინდორზე კარვები გავშალეთ.

განთიადისას თოფი გავარდა, ყველანი კარვებიდან გარეთ გამოვცვივდით. ზევინან, მთის ფერობიდან, ყვირილი მოგვესმა. ავიხედეთ — შორს, კლდის ქიმზე სოზარი ჩანდა.

სვანურ ქუდს გვიქნევდა. გვიხმობდა, აქეთ წამოდითო. სწრაფად ავიარეთ ფერდობი და წავადექით სოზარს, რომლის ფეხებთან მოკლული ჯიხვი იყო. სოზარს სიხარულისაგან სახე უბრწყინავდა. თარბავანი რომ ვერ მოინადირა, სიმშვიდევით დაკარგა, ვეღარ მოისვენა. გუშინ ბილიკზე ჯიხვის ნაკვალევი შეამჩნია და დღეს უთენია წასულა სანადიროდ. ბედმა გაუღიმა ამჯერად, კლდეებში ჯიხვების ჯოგს წააწყდა და პირველივე გასროლით მოეკლა ერთი მათგანი.

სადილად შესანიშნავი მწვადი გვქონდა.

სადამოს ჩვენ ბანაკს უცნაური ცხოველი მოუახლოვდა. „კამეჩი“ — დაიძახა ერთმა. „ხარია“ — შეეკამათა მეორე. ახლოს მივედით: არც კამეჩი იყო და არც ხარია, არამედ რაღაც საშუალო მათ შორის. კული კი ცხენისა ჰქონდა. ეს იყო იაკი, ანუ კუტასი. შესანიშნავი თვისების ცხოველია, თავისუფლად დადის დიდი დაქანების კლდოვან ფერდობებზე, თოვლში და ქინდარებზე. დიდ აღმართებში შეუძლია ატაროს მეტად მძიმე ტვირთი. ყირაჯებში და ტაჯიკებში კუტასს იყენებენ როგორც ტვირთის გადასაზიდად, ისე საჯდომად, ამისათვის მას უნაგირს ადგამენ. როდესაც პირველად ვნახეთ უნაგირდადგმული კუტასი, ყველას დიდი მოგვიწონდა. ახა, რომელი ჩვენგანი წარმოიდგენდა უნაგირდადგმულ ხარს ან კამეჩს? მაგრამ, როდესაც უბილიკო მთის ფერდობებზე ვირებმა ვეღარ იარეს და ჩვენი ბარგის აკიდება კუტასებზე მოგვიხდა, მაშინ კი დავაფასეთ კუტასიც და მასზე დადგმული უნაგირიც.

ჩვენი ბანაკიდან ხეობის ბოლოში კარგად ჩანდა მარჯისის სახელობის მწვერვალი, რომლის სიმაღლე ზღვის დონიდან 6726 მეტრს აღწევს. დადგა იერიშზე წასვლის დღეც. წინა საღამოთი ბანაკში დიდი ფაციფუცი იდგა. უკანასკნელად ვამოწმებდით ჩვენს საქურველს, კიდევ ერთხელ ვირგებდით და კბილებს ვუღესავდით წრიაპებს, ვალაგებდით ზურგჩანთებში პროდუქტებს, შემდეგ ისევ ვიდებდით და ისევ ვალაგებდით, ვინაიდან ხან ერთი რამ არ ეტეოდა, ხან მეორე, ვაშალებდით ფოტოაპარატებს, კასეტებში ვდებდით ფირს. ყველაზე მეტს კი ჩვენი კინოაპარატორები ოთარ დეკანოსიძე და ბორის კრეპსი საქმიანობდნენ. მათ საქურველიც უნდა მოემზადებიათ, პროდუქტებიც და აპარატებიც. ბანაკის ხან ერთ და ხან მეორე ადგილას გაისმოდა კინო-აპარატების ზუილი, სანამ ოთარის და ბორისი არ დარწმუნდნენ, რომ კინოაპარატები მათ არ უღალატებენ.

15 აგვისტოს დილით ავიკიდეთ ზურგჩანთები და ავეციეთ მდინარე ნიშგარს. მალე დიდი აღმართები დაიწყო და მაშინ კარგად ვიგრძენით, თუ რამდენად მძიმე იყო ჩვენი ტვირთი. მთელი დღე მივდიოდით. კიდევ კარგო, ნაკადულები ბევრი იყო გზაზე, თუმცა თოვლის ნაყური წყალი წყურვილს ცუდად გვიკლავდა.


16 აგვისტოს საღამოსათვის 5400 მეტრის სიმაღლემდე ავედით. გარშემო მხოლოდ თოვლი და ყინულები იყო. კარვებიც თოვლზე გავშალეთ, იატაკად ქეჩა დავაგეთ და საძილე ტომრებში თბილად გახეულებს მალე ტუბილად ჩაგვეძინა. 17 აგვისტოს ადრე გავვეღვიძა, მაგრამ გარეთ გამოსვლა ვერ გავხედეთ, დიდი ყინვა იყო. მოგვიხდა მზის ამოსვლისათვის მოცდა, სანამ გარეთ ჰაერი ოდნავ არ შეთბა. მხოლოდ დილის 11 საათზე განვაგრძეთ გზა. სიარული გუშინდელზე უფრო ძნელი იყო. მივდიოდით დიდი დაქანების თოვლიანი ფერდობით. თოვზე სამ-სამი კაცი ვართ გადაბმულნი. თუ ერთმა დაიწყო ვარდნა ფეხის დაცდენის გამო, მეორე თოკით შეაკავებს. რაც უფრო ზევით მივდივართ, უანგზადი იკლებს და სუნთქვა გვიძნელდება. ამიტომ ყველა ვცდილობთ, რაც შეიძლება დინჯად ვიაროთ, ზედმეტი მოძრაობა არ გავაკეთოთ, ყოველ 10-15 ნაბიჯის შემდეგ ვისვენებთ რამდენიმე წუთით. 5900 მეტრის სიმაღლეზე ვჩერდებით ღამის დასათევად. რა სასიამოვნოა კარავში შესვლა და დაძინება, როდესაც ასე ხარ დაღლილი და გათოშოლი! საქმიან მოგვევიდა კიდევ. დავანთეთ ჩვენი მცირე ზომის „პრიმუსები“, გავაღნეთ თოვლი და ჩაი ავაღულეთ. ახლა

გავახსენდა ოშის ჩაიხანაში მოხუცმა ყირაჯმა რომ გვიჩრია: მთელ გზაზე ჩაი სვითო. მართლაც, არაფერია ცხელ ჩაიზე უფრო სასიამოვნო ამ სიმაღლეზე და ასეთ სიცივეში.

18 აგვისტოს 6300 მეტრ სიმაღლეს მივადწვიეთ. 8 საათი ვიარეთ და ვერტიკალით 400 მეტრი ძლივს გავიარეთ, სიგრძით ეს გზა კი ერთი კილომეტრი ძლივს გამოვიდოდა, ესე იგი ჩვენი მოძრაობის სიჩქარე საათში 120-150 მეტრს ძლივს აღწევდა. ეს ტემპიც სწრაფი გვეჩვენებოდა უანგზადის სიმცირის გამო. იმ დამით დაიწყო პირველი და დიდი განსაცდელი. ამოვარდა ისეთი ძლიერი ქარიშხალი, რომ კარვებიც კი დავგვინა და ცოტა დააკლდა ჩვენც უფსკრულში არ გადავვისროლა საძილე ტომრებიანად. მთელ დღეს და ორ დამეს ვებრძოდით ქარიშხალს, რომელსაც თან სდევდა 25-30 გრადუსი ყინვა. ვერ წარმოგვედგინა, რომ ჩვენგან სულ ახლოს ქვევით, რაღაც სულ ოციოდე კილომეტრის მანძილზე, ნიშგარის ხეობაში მზის მცხუნვარებისაგან სუნთქვაც კი ძნელდებოდა.

ავდრის გამო ამჯერად უკან დაბრუნება მოგვიხდა. ორიოდ დღის შემდეგ დაიწყო მარჯისის სახელობის მწვერვალის ახალი იერიში, რომელიც გამარჯვებით დავიგრძინეთ. მწვერვალს მიადწვიეს: ა. ნემსიწვერიძემ, კ. კუზმინმა, ს. ცაიშვილმა, ჯ. მემძარიაშვილმა, დ. გუგავამ, ლ. და ზ. ახგლედინებმა.

აგვისტოს ბოლო რიცხვებში ნიშგარის ხეობიდან გადავედით გვერდით მდებარე ქიშტი-ჯორაბის ხეობაში, სადაც აღმართულია ენგელსის სახელობის მწვერვალი. სანამ ჩვენ



ენგელსის მწვერვალის დამკვრბნი. მ. გვარლიანი, კ. კუზმინი, ა. ნემსიწვერიძე და გ. გულბანი.

მარქსის სახელობის მწვერვალზე ავდიოდით, ექსპედიციის წევრები მ. გვარლიანი, გ. გულბანი და გ. ყალბაგეიშვილი ენგელსის მწვერვალის დაზვერვას აწარმოებდნენ. თუ მარქსის მწვერვალზე ჩვენამდე უკვე იყო მთამსვლელობა ჯგუფი ე. ბელეცკის ხელმძღვანელობით, და ამიტომ მარქსის მწვერვალის საკმაოდ კარგი აღწერილობაც მოგვეპოვებოდა, ენგელსის მწვერვალზე ჯერ არავინ იყო ნამყოფი და ამიტომ არც მისი ზუსტი აღწერილობა არსებობდა. ე. ბელეცკის მთამსვლელობა ჯგუფი, რომელიც აქ იყო 1947 წელს, მხოლოდ მიუახლოვდა ენგელსის მწვერვალს და დაასკვნა, რომ მასზე ასვლა მეტად ძნელ საქმეს წარმოადგენდა, ჩვენმა დაზვერვამ დაამტკიცა ბელეცკის ჯგუფის დასკვნის სისწორე. ენგელსის მწვერვალზე წარმოადგენს ვიგანტურ კედელს, რომლის ფუძესა და თებმს შორის სიმაღლეა სხვაბა 1300 მეტრს უდრის. კედელი დაგვირგვინებულია მწვერვალით. მისი სიმაღლე ზღვის დონიდან 6110 მეტრს აღწევს. მწვერვალზე ასვლის ერთადერთი შესაძლებელი გზა მიყვებოდა თოვლ-ყინულოვან ღარს. მას საშუალოდ 70 გრადუსი დაქანება ჰქონდა, ერთი შეხედვით კი სრულიად შვეული გეგონებოდათ.

ამ უზარმაზარი კედლის დაძლევა მოითხოვდა დიდ დახელოვნებას ალპინიზმის ტექნიკაში, არაჩვეულებრივ გამძლეობას და სიამაყეს. ასვლა მეტად საშიშიც იყო, ვინაიდან ღარში გამუდმებით ცვიოდა ქვა და ყინულის ნატეხები, რასაც სულ ადვილად შეიძლო მძიმედ დაეშავებინა მთამსვლელები. ამის გამო ღარში არ შეიძლებოდა ერთდროულად ოთხზე მეტი ადამიანის მოძრაობა. ცხადია, რომ მწვერვალზე უნდა წასულიყვნენ ჩვენ შორის ყველაზე დიდი გამოცდილების მქონენი. ესენი კი იყვნენ: მასქიმე გვარლიანი, კირილე კუზმინი, ალექსი ნემსიწვერიძე და გრიგოლ გულბანი.

2 სექტემბერს ოთხი მამაცი მთამსვლელი გავიდა ბანაკიდან და გვიჩვენებდნენ მწვერვალისაკენ აიღო. ადვილი წარმოსადგენია მათი დეღვა, ვინც კედლის ძირას იჯდა და თვალყურს ადევნებდა მათ ასვლას. ძნელი და სახფათო იყო გზა. საჭი დღეს ებრძოდა ოთხი მთამსვლელი მწვერვალს და გამარჯვებს კიდევ. იერიშის მესამე დღეს მათ, ადამიანთაგან პირველებმა, შედგეს ფეხი ენგელსის მწვერვალზე. იქ მათ დატოვეს მოკლე ბარათი, რომელშიაც ჩაწერეს ამსვლელობა გვარები, ასვლის თარიღი, ასვლის მიმართულება და ამინდი. ერთი დღის შემდეგ ქვევით დარჩენილები გულთბილად შეხვდნენ მწვერვალიდან დაბრუნებულ ამხანაგებს. ექსპედიციის უფროსის მოადგილემ ალექსი ივანიშვილმა ექსპედიციის სახელით მიულოცა მათ გამარჯვება და უსურვა ახალი წარმატებები.

მარქსისა და ენგელსის მწვერვალზე ასვლის გარდა ექსპედიციის მონაწილენი ავიდნენ კიდევ სამ უსახელო მწვერვალზე, რომელთა სიმაღლე აგრეთვე 6000 მეტრს აღემატება, და ყოველ მათგანს უწოდეს სახელი. ალპინიზმში არსებობს წესი: თუ ადამიანი ადის ისეთ მწვერვალზე, რომელზედაც მანამდე არავინ ყოფილა და რომელსაც არც სახელი აქვს, პირველამსვლელს უფლება აქვს მწვერვალს დაარქვას სახელი. ჩვენებაც ასე მოიქცნენ: მ. გვარლიანმა, გ. გულბანმა და კ. კუზმინმა უსახელო მწვერვალს, რომელზედაც ისინი ავიდნენ, უწოდეს საბჰოთა ალპინიზმის ფუძემდებლის პროფესორ გიორგი ნიკოლაძის სახელი, მეორე უსახელო მწვერვალს, რომელზედაც ავიდნენ მ. გვარლიანი, გ. გულბანი და გ. ყალბაგეიშვილი ეწოდა 1929 წელს თეთნულდზე დაღუპულთა ს. ჯაფარიძისა და პ. დვალის სახელი, ხოლო ს. და დ. გუგავებმა და ლ. და ზ. ახვლედიანებმა მესამე უსახელო მწვერვალს, რომელზედაც ისინი აგრეთვე პირველამსვლელები იყვნენ, უწოდეს სტალინის სახელობის თბილისის სახელმწიფო უნივერსიტეტის სახელი.

ეს ექსპედიცია წარმოადგენდა ქართველ მთამსვლელობა მიერ მსოფლიოს უმაღლეს მწვერვალთა ათვისების დასაწყისს და იმედი უნდა ვიქონიოთ, რომ ამ დიდ და საპასუხისმგებლო საქმეში რამდენიმე წლის შემდეგ ჩაებმებიან ისინიც, ვინც ამჟამად სკოლის მერხებს უსხედან.



თვალსაყირა

ზ ლ ა პ ა რ ი

იყო ერთი მოხუცი მონადირე, მეტად ჭკვიანი და გამოცდილი კაცი. ერთხელ ცოლს მოუხმო და უთხრა: «ვგრძნობ, მალე მოვკვდები, შვილებს კი ცხოვრების სიძნელეების არაფერი გაეგებათ და ეს წამყვება დარდად, სანამ სულს დაგლევედი, მიიდა გამოვაწრთო ჩემი ვაჟები».

— შენი სიკვდილი მეგლსაც შეუჭამია, ისე კი ჭკვიანური აზრი მოგსვლიათ, — უპასუხა ცოლმა.

— მამ ზიჭებს დამიძახე, შენ კი იმდენი საგზალი გააკეთე, სამ კაცს სამ წელიწადს რომ ეყოსო, — უთხრა მონადირემ.

მალე მოხუცი მამის წინაშე ორი გაქვივილი გამოცხადდა.

— რას გვიბრძანებო, — ჰკითხეს მონადირეს შვილებმა.

— მოეზადეთ, ხვალ დილით სანადიროდ უნდა წაგიყვანოთ, მაგრამ ჩვეულებრივი ნადირობა როდი იქნება. მრავალ ფათერაკს გადავიყვებითო.

— მაინც, რა ფათერაკსო? — ცოტა შეშინდა უფროსი ძმა.

— ერთი მთა უნდა მოვხაროთ, რომელიც პირიდან ცეცხლსა ჰყისი, ერთი ტყე უნდა გავკაფოთ, რომელშიც ფოთოლზე უჭარბესი ლომებია და ერთი დამონებული ქალაქი უნდა დავიხსნათ კაციჭამიების ჯარისაგანო.

— მე არ წამოვალო! — ახლა მართლა შეშინდა უფროსი ვაჟი, თანაც გულში გაიფიქრა: «თუ ჩემი ძმა წავა, ის მზეთუნახავი შე დამრჩება ცოლადო».

უმცროსი ძმა კი ჩუმად იყო და მორჩილებით შესცქეროდა მამას.

ბევრი უყვირა და ეხვეწა უფროს ვაჟს მონადირემ, მაგრამ ვერაფრით დაიყაზულა და ძალით ხომ ვერ წაიყვანდა. მერე წამოდგა, ერთი მრისხანედ გადახედა უდიერსა და ჯიუტ შვილს და ცოლს გასძახა: გააკეთე თუ არა საგზალიო.

— ჯერ ნახევარიც არ გამოიკეთებია, ორ კაცს ორ წელიწადს თუ ეყოფათ, — უპასუხა ცოლმა.

— ჰოდა, მეტიც აღარ გვინდა, ნუღარ აკეთებო.

მეორე დილას მონადირემ და უმცროსმა ვაჟმა გულა-ნაზად აიკრეს და გზას გაუდგნენ.

დღეები დღეებს მისდევდა, თვეები—თვეებს; შინ დარჩენილი უფროსი ძმა იჯდა და ლაზღანდარობდა, მხოლოდ მამის გაჩუმდებოდა, როცა დედა სადილად დაუძახებდა. დამით კი

მზეთუნახავთან შესახედრად მიდიოდა, მაგრამ ქალი ახლოს არ იკარებდა. მაინც იმედინად ბრუნდებოდა სახლისაკენ უფროსი ძმა, სულერთია, დღეს ან ხვალ ჩემი ცოლი გახდება მზეთუნახავიო. ხანდახან ასხენდებოდა უმცროსი ძმა და გულში დასცინოდა: რა ძალა ადგა, რომ წავიდა, ახია თუ ცოცხალი არ დაბრუნდებო.

ერთ საღამოს უფროსმა ძმამ თვალი მოჰკრა ეზოში შემოსულ ახოვან ვაჟკაცს, ილიაში თოფრა ამოეჩარა, თმები გადატრუსული ჰქონდა, მარცხენა ხელზე ორი თითი აკლდა და ყოველი ნაბიჯის ვადადგმაზე კოჭებამდე ევლობოდა მიწაში. ვერ იცნო უფროსმა ძმამ უცხო ჭაბუკი, მაგრამ სახლიდან დედა გამოვიდა და უეცრად შეჰყვირა: «უი, შვლო, შენ დაგენაცვლეო», გაქანდა და კისერზე ჩამოეკიდა ჭაბუკს. მხოლოდ ახლა იცნო უფროსმა ძმამ უმცროსი.

— მამა სადღაო? — ჰკითხა შეშფოთებულმა დედამ.

— ვედარ გაუძლო გაჭირვებას, გზაში დალია სული და აპა, მისი ძვლები თან წამოვიღეთ, — ცრემლი მოერია უმცროს ძმას და თოფრა ფრთხილად დადო მიწაზე. დედამაც ტირილი დაიწყო. უფროსი ძმა კი ცხვირწინ აეტუზა უცროსს და აღარ მოასვენა შეკითხვებით:

- თმა რამ გაგიტრუსაო?
- ცეცხლოვან მთას რომ ვთხრიდით, მაშინ შემეტრუსაო.
- თითები სადღა დაკარგეო?
- ტყეს რომ ვკაფავდიო, ლოშმა გამკრა კბილიო.
- მიწაში რად ევლობო?
- დამონებულ ქალაქს რომ ვათავისუფლებდით, კაციჭამიებმა ტყვიები დამიშინეს და იმან დამამძემაო.

— თავს რას იტყვიებდიო, — თქვა ბოლოს უფროსმა ძმამ და ჩაიცინა, — ჩემსავით სახლში მუდარჩიყავი და ეგრე აღარ დამაზიჯდებოდი. ახლა მზეთუნახავი მე გამომყვება ცოლადო.

ამის თქმა და გამაყრუებელი ქუხილი ერთი იყო. ცა შავი ღრუბლებით დაიფარა. ისეთი სიბნელე ჩამოწვა, თითქოს ქვეყანა დაბრმავდაო. კიდევ გავარდა მენი და სოფლის ბაღ-ვენახებს ცეცხლი შემოენთო. უფროს ძმას არასოდეს გაეგონა ჭექა-ქუხილი და არც იცოდა, თუ რა სიფათი ელოდა, იკრიჭებოდა და გაავებულ ცას ტაშს უკრავდა. უმცროსი ძმა კი შეშინდა: ორი წლის მანძილზე, ვინ იცის, რამდენი ჭექა-ქუხილი დასტყდომოდა თავს და კარგად იცოდა, რა ზიანის მოტანაც შეეძლო. შეშინდა და თვლები საცრისოდენა გაუხდა. მაგრამ უეცრად თვლების შესაბამისად ტანიც გაეზარდა, ბეჭებიც გაუფართოვდა, მთებისოდენა კუნთები დაასხდა მკლავებზე, ისე აეყარა სხეული, თავი ცას ებჯინებოდა, გაიქნამოქინა ხელები, მიჰვანტ-მოჰვანტა ღრუბლები და ჭექა-ქუხილიც შეწყდა. მთელი სოფელი შეგროვდა მადლობის სათქმელად. მისი ამბავიც გამოკითხეს და თვალსაცერა შეარქვეს. მზეთუნახავმა მალამო წაუსვა თავზე და გადატრუსული თმები ხელახლა ამოეჭორა. უფროსი ძმა კი შურით იჭაჭებოდა.

გაიარა დრო. ერთ ზაფხულს ისეთი გვალვა დაიჭირა, რომ შემწვარი ჩიტები ცვივოდნენ ჰაერიდან. სოფელს სიმშლით სიკვდილი ელოდა. უფროსმა ძმამ არ იცოდა რა უბედურებაც იყო გვალვა. იკრიჭებოდა და უსაქმურობისაგან მზეზე ენას იშრობდა. თვალსაცერა კი შეშინდა: ორი წლის მანძილზე მრავალი სოფელი ენახა გვალვით გადაბუგული და იცოდა რა ზიანის მოტანაც შეეძლო გვალვას. შეშინდა და თვლები საცრისოდენა გაუხდა. მაგრამ თვლების შესაბამისად ტანიც გაეზარდა, ბეჭებიც გაუფართოვდა, მთებისოდენა კუნთები დაასხდა მკლავებზე, დაავლო ხელი უზარმაზარ კლდეს და გვერდზე


მოისროლა. კლდის უკან თვალუწვდენელი ტბა დაელოდა. მთელი მოეშა წყალი სოფლისაკენ, მორწყა და გამოაცოცხლა ყანები მთელი სოფელი შეგროვდა მადლობის სათქმელად. მზეთუნახავმა მალამო წაუსვა თვალსაცერას და ლოშის წაკნეტილი ორი თითი ისევ წაეზარდა. უფროსი ძმა კი შურით იჭაჭებოდა.

გაიარა დრო. ერთ ღამეს სოფელს კაციჭამიათა ჯარი შემოესია. მრავალი ოჯახი ამოწყვიტა და დედინა-ბუდიანად გაეჩანაგა. უფროს ძმას არასოდეს ენახა კაციჭამიები და არ იცოდა რა სისხლისმსმელებიც იყვნენ. იკრიჭებოდა და ზავფივით ახარებდა ხმლების ლაბლაბი. თვალსაცერა კი შეშინდა: ორი წლის მანძილზე რამდენ ჯარ-ჯარამათს შეჭმია და იცოდა რა ზიანის მოტანაც შეეძლო სოფლისათვის. შეშინდა და თვლები საცრისოდენა გაუხდა. მაგრამ თვლების შესაბამისად ტანიც გაეზარდა, ბეჭებიც გაუფართოვდა, მთებისოდენა კუნთები დაასხდა მკლავებზე. მიჰყო ხელი კაციჭამიებს და სულ წიწილებით წააგლიჯა თავებზე. მთელი სოფელი შეგროვდა მადლობის სათქმელად. მზეთუნახავმა მალამო წაუსვა თვალსაცერას და რაც სხეულში ტყვია ჰქონდა ჩარჩენილი სულ გარეთ გადმოსცვივდა. უფროსი ძმა კი შურით იჭაჭებოდა.

ბოლოს გლახებმა ჰკითხეს თვალსაცერას, როგორ არის, რომ ყველა განსაცდელსა და უბედურებას ასე ადვილად სძლევო. თვალსაცერამ უბასუხა: მამაჩემმა გამომაწრთო და მასწავლა სიძნელებთან ბრძოლაო. ადგა მთელი სოფელი და მუხლი მოიყარა იმ საფლავთან, სადაც მოხუცი მონადირის ძვლები იყო დამარხული.

ამის შემდეგ თვალსაცერამ კიდევ მრავალ გაჭირვებას გადაარჩინა სოფელი. მზეთუნახავი ბოლოს ისე მოიხიბლა მისი გმირობით, რომ ცოლადაც გაჰყვა. უფროსი ძმა კი შურით კვდებოდა და უკვირდა: ასეთი გამოუცდელი და უუნარო რამ გამაჩინა ამ ქვეყანაზეო.

ალიპერა ყიფიანი
ნახ. ლ. გულდაშვილისა



გრიგოლ აბაშიძის საბავშვო პოეზიები



ცნობილმა ქართველმა პოეტმა გრიგოლ აბაშიძემ, რომლის შემოქმედება დიდად პოპულარულია ყველა ასაკის მკითხველთა შორის, ამ დღეებში გამოაქვეყნა საბავშვო პოემების წიგნი.

ყველა თქვენგანს წაუკითხავს ისინი, როდესაც საბავშვო ურნალეებში იბეჭდებოდა, მაგრამ ერთად თავმოყრილი, მოზრდილი კრებულის სახით, მხოლოდ ახლა გამოაქვეყნდა.

კვლავ პირვანდელი სიცოცხლით გზიბლავთ „რუსთავის მერცხლები“, გულის სიღრმემდე შეგაძრწუნებთ მერცხლის პირით გადმოცემული ამბავი ზანგთა დევნისა და გაჩანაგებისა, გიხარიათ, რომ მრავალტანჯულმა ფრთოსანმა ჩვენი სამშობლოს ნორჩ ქალაქ რუსთავეში იპოვნა ბედნიერი სავანე. უბრალო და სადა ფორმით მასში გადმოცემულია მნიშვნელოვანი სოციალური მოვლენები, დაპირისპირებულია ორი სამყარო, სადაც ერთგან სიხარული და ბედნიერებაა, ხოლო მეორეგან გაჭირვება და სიღარიბე.

ჩვენი ადამიანების მამაცური შრომის ქებათა-ქე-

ბა პოემა „გმირები“. მასში მოთხრობილია ამბავი იმის შესახებ, თუ როგორ ესტუმრა პატარა ჯონდო ხუთი გმირის ოჯახს, როგორ აღფრთოვანებული იგი ამ გმირებით. მკითხველს სჯერა, რომ ჯონდო სახალხო საქმისათვის შრომით შთაგონებული მომავალი გმირია.

შესანიშნავად არის დაწერილი „ყველაზე ძლიერი“. აქ ერთმანეთში ოსტატურადაა შეზავებული ზღაპრისა და სინამდვილის ელემენტები. ყველაფერი ისეა გადმოცემული, რომ ნორჩი მკითხველი დამბული ადევნებს თვალ-ყურს ამბავთა მსვლელობას. და მართლაც, რამდენი ნორჩი გონება დაფიქრებულა იმაზე, თუ რა უფრო ძლიერია — ღრუბელი, ქარი, კლდე, წყალი, თუ ადამიანი. პოეტი გვიჩვენებს, რომ სამყაროს ბატონ-პატრონი, მისი მფლობელი და უძლიერესი ქმნილება ადამიანია. ეს იგია, რომ ამარცხებს და თავის ნებასურვილს უმოზრჩილებს მრისხანე წყალგარდნილებს ათვინიერებს და კაცობრიობის კეთილდღეობის სამსახურში აყენებს ბუნების სტიქიურ ძალებს.

როცა ამ პოემის კითხვას ამთავრებთ, გაგონდებთ დიდი რუსი მწერლის მ. გორკის სიტყვები „ადამიანი — ამაყად ჟღერს“.

თქვენს ყურადღებას მიიპყრობს აგრეთვე „მოსკოვი-მესტია“, რომელიც ამ ორი კუთხის ბავშვთა გულითად მეგობრობაზე მოგვითხრობს. კითხულობთ ამ პოემას და ცოცხლად გგხატებთ როგორც ცათამბჯენებით, მეტროთი და სხვა ზღაპრული ნაგებობებით შემკული დედაქალაქი, ისე კავკასიონის ზვიადი მთების

უბეში შეფარებული სკანეთი, ცოცხალი და ხალისიანი საბჭოთა ბავშვები.

მდიდარია ქართველი ხალხის ზეპირსიტყვიერება — ფოლკლორული საუნჯე ვის არ ხიბლავს ჩვენი შესანიშნავი ზღაპრები. ზოგ მათგანს გმირული, ვაჟკაცური ამბები ამშვენებს, ზოგის მოსმენაზე კი გულიანად იციინით, ნამდვილ აღფრთოვანებას განიცდით. ზღაპრები ახლაც იქმნება. ამ საქმეში ხალხთან ერთად მწერლებიც მონაწილეობენ. თავისი შინაარსითა და თხრობის ბევრი ნიშნით გრიგოლ აბაშიძის „ავილლაგი“, „მეცამეტე გოჭი“, „რატომ არ აქვს კურდღელს კული“ და განსაკუთრებით „ნაბოლარა წიწილა“ ძალიან უახლოვდება ხალხური შემოქმედების საუკეთესო ნიმუშებს.

აი, მაგალითად, ავილლაგი, რომელიც ცნობილია თავისი ღორმუცელობით და ნაღმის მსხვერპლი ხდება. ამბავი აქ ისეა გაშლილი, რომ მკითხველი შესაფერის მორალურ დასკვნებს აკეთებს.

ახლებურად აქვს გადაჭრილი ანტარს „მეცამეტე გოჭის“ მთარული თემატ. ამ პატარა პოემის კითხვისას თქვენ სიბრაღულის გრძნობა გეუფლებათ უსამართლოდ დაჩაგრულისადმი.

სახალისო სიუჟეტი აქვს პოემას „რატომ არ აქვს კურდღელს კული“. ამბავი მასში თავბრუდამხვევი სისწრაფით ვითარდება, იტაცებს მკითხველს. მაგრამ ამ ნაწარმოების მიზანი მხოლოდ ის როდია, რომ გაართოს ბავშვი; იგი ამავე დროს შემეცნებით საწყის-საც შეიცავს და მხატვრული საშუალებით ნათელიყოფს, თუ როგორ ეგუები-



ან პირობებს ცხოველები და როგორ უვითარდებათ მათ სწორედ ის თვისებები, ის ორგანოები, რომელთაც არსებობისათვის ბრძოლაში გადამწყვეტი მნიშვნელობა აქვს.

მაგრამ შეიძლება გადაჭრით ვთქვათ, რომ „ნაბოლარა წიწილა“ ყველაზე მეტად გავს ტრადიციულ ქართულ ზღაპარს. იგი საინტერესოა თავისი სიუჟეტი-თაც და მორალითაც. მართლაც და, როგორ შეიძლება არ მოგეწონოთ ნაბოლარა წიწილას მოხერხება, წინდახედულება, გამბედაობა, კეთილშობილება და მეგობრობის, ურთიერთგატანის თვისებები, რასაც პოემის პერსონაჟები იჩენენ. ისინი შეერთებული ძალით ამარცხებენ ბოროტ ძალებს.

გრიგოლ აბაშიძის პოემები მხოლოდ თემებით, შინაარსით, გააზრებით როდი გვიხიდავენ. ისინი მკითხველს ხიბლავენ ნათელი საღებავებით, ლალი პოეტური ენით, მუსიკალური კეთილმზოვანებით.

„საბავშვო პოემების“ სახით ქართველმა ნორჩმა მკითხველმა ძვირფასი საჩუქარი მიიღო.

ვასილ ბაიბაძე



მოვაწყოთ შეჯიბრებები

დადგა ზაფხული — საინტერესო და მრავალფეროვანი სპორტული ვართობებით. მოსწავლეს, რომელმაც წარმატებით დაამთავრა სასწავლო წელი, შეუძლია შეინარსოს ახალი გამოიყენოს არდადეგები. ფეხბურთი, ქილაობა, კალათბურთი, მაგიდის ჩოგბურთი და სპორტის სხვა სახეები მას გააკაშებს და ხელს შეუწყობს სრულყოფილ ფიზიკურ განვითარებაში. მაგრამ არის კიდევ ჭადრაკის თამაში, რომელიც ავარჯიშებს გონებას, ლესავს გონებამახვილობას, აჩვენებს ინტენსიურ გონებრივ მუშაობას, სიღინჯეს, დაკვირვებულობას.

ჭადრაკის მოთამაშის სიძლიერე განისაზღვრება მისი წარმატებით ტურნირებში. მოჭადრაკის ძალის გამომხატველია სპორტული თანრიგი, რომელიც იწყება მე-5 საკავშირო თანრიგით და გროსმაისტერობით მთავრდება.

არდადეგებზე შეიძლება მოეწყოს ჭადრაკში მრავალი სახის შეჯიბრება. ბანაკის ჩემპიონატი (ვაუებისა და გოგონებისა ცალკე), რომელსაც წინ უნდა უსწრებდეს რგოლები, რაზმებისა და რაზმეულების პირველობები, ბანაკის გუნდური პირველობა, ოლიმპიური ტურნირები, რომელშიც ორი პარტიის წამგები გადის შეჯიბრებიდან, საკონსულტაციო პარტიების თამაში და სხვ. საინტერესოა შეჯიბრება საქადრაკო ამოცანებისა და ეტუდების სწრაფ და სწორ ამოხსნაში. ამ შეჯიბრებისათვის ხელმძღვანელი არჩევს რამდენიმე — ორ, სამ, ოთხსულიან ამოცანას, რომელთა ამოხსნას შეძლებენ ნორჩი მოჭადრაკეები. ამოცანები გადასაწყვეტად მოსწავლეებს თანმიმდევრობით ეძლევა. თითო ამოცანის ამოხსნაზე ინიშნება დრო. ის, ვინც ჩაეტევა ამ დროში, მიიღებს სათანადო ქულას, ხოლო საბოლოო ჯამში ვისაც მეტი ქულა აღმოაჩნდება, ჩემპიონად გამოცხადდება.

ყველაზე საინტერესოა სატურნირო ბრძოლა, სადაც მოჭადრაკეს უხდება კარგი სვლის, კომბინაციის მოხსნა, ამასთან იგი ბრძოლაში ავლენს ნებისყოფის სიმტკიცეს, თავის ნამდვილ საქადრაკო ძალას. მაგრამ მიზანშეწონილია ისე მოეწყოს ტურნირი, რომელიც შეიძლება ამავე დროს პირველობაც იყოს, რომ მას სათანადო მნიშვნელობაც ჰქონდეს. თანრიგის მიღებისათვის აუცილებელია ყოველმა მოთამაშემ ტურნირში სულ მცირე ათი პარტია გაითამაშოს, ე. ი. ტურნირში უნდა მონაწილეობდეს არა ნაკლები 11 მოჭადრაკისა. შეიძლება აგრეთვე 6 მოჭადრაკის მონაწილეობით გაიმართოს ორწრიანი ტურნირი, ე. ი. მოთამაშეები ერთმანეთში ორ-ორ (სულ 10) პარტიას გაითამაშებენ.

თანრიგების მიღების წესი ასეთია: თუ ტურნირის არც ერთ მონაწილეს არ გააჩნია თანრიგი, მაშინ ის, ვინც ათ პარტიაში მოაგროვებს 5 ქულას, ე. ი. შესაძლებელი ქულების 50 პროცენტს, მიიღებს საკავშირო მეზუთე თანრიგს, თუ თერთმეტზე მონაწილეს უკვე აქვს მეზუთე თანრიგი, მაშინ მოთამაშეს მეოთხე საკავშირო თანრიგის მიღებისათვის ათ პარტიიდან დასჭირდება 6,5 ქულის მოგროვება. ამ თანრიგების მიღებისათვის აუცილებელი არაა სატურნირო პარტიების ჩაწერა. შესაძებ თანრიგი, როგორც წესი, ეძლე-

ვთ მეოთხეთანრიგოსნებს, რომლებიც ქულათა შესაძლებელი რაოდენობიდან 70 პროცენტს დააგროვებენ. მეორე და პირველი თანრიგის მიღება უფრო ძნელია, რადგან პარტიების ჩაწერასთან ერთად, მოჭადრაკეს უსაზღვრავნ სვლებზე მოფიქრების დროს, რისთვისაც თამაშის დროს უდგამენ სპეციალურ საქადრაკო საათს.

ტურნირის წინ ეწყობა კენჭის ყრა, იმისათვის, რომ გაირკვეს ვინ რომელი ფერით თამაშობს. საქადრაკო პრაქტიკამ ცხადყო, რომ თეთრებით თამაში უკეთესია, რადგან პირველი სვლა თეთრებს ეკუთვნის. საქადრაკო კოდექსში მოყვანილია სპეციალური ცხრილები, რომლის მიხედვით არკვევენ ფერს. მაგრამ არსებობს კიდევ ასეთი ზოგადი წესი, რომელიც ამ ცხრილებიდან გამომდინარეობს. დავუშვათ, ტურნირში 12 მონაწილეა (ეს წესი მონაწილეთა სხვა რაოდენობაზეც გამოდგება), თუ ერთმანეთს კენჭი (8, 11) ან წყვილი (8, 4) რიცხვები ხვდებათ, თეთრებით ყოველთვის თამაშობს დიდი რიცხვი (11, 8). მაგრამ თუ რიცხვები შერეულია (8, 6) თეთრებით თამაშობს პატარა რიცხვი. საქიროა ვიცოდეთ ერთი გამოხატვისიც, რომ მე-12 ნომერი (სხვა შემთხვევაში ცხრილში უკანასკნელი, ოდონდ წყვილი) ყველა მას, ვინც ცხრილში შეექვს ნომერზე ქვევითაა (7, 8) ეთამაშება თეთრებით, ხოლო ზედა ნომრებს (1, 2, 3) — შავებით.

ტურნირში თამაში მიმდინარეობს „საბჭოთა კავშირის ერთიანი საქადრაკო კოდექსით“, რომელიც აუცილებლად უნდა ჰქონდეს შეჯიბრების მსაჯს. კოდექსი განმარტავს თამაშის წესს. მაგალითად, ვალდებული ხარ ითამაშო იმ ფიგურით, რომელსაც მოჰკიდებ ხელს; მეფეზე და ლაზიერზე დამუქრება არ ცხადდება; თუ ხელი მოჰკიდე ისეთ ფიგურას, რომელსაც არა აქვს სვლა, მაშინ კეთდება მეფით საჯარიმო სვლა; ფიგურის გასწორების სურვილის შემთხვევაში საქიროა წარმოთქვა სიტყვა „ვასწორებ“ და შემდეგ გაასწორო ფიგურა. ყველა მოჭადრაკე უნდა დამემორჩილოს სატურნირო დისციპლინას.

ძალიან საინტერესოა შეჯიბრება ორ კოლექტივს შორის, რომელიც შეიძლება ერთ თვესაც გაგრძელდეს. ორი რაზმი ან ორი რაზმეული ერთდროულად ერთმანეთში გაითამაშებს ორ პარტიას — ერთს თეთრებით, მეორეს — შავებით. თამაშში მონაწილეობს თითოეული მხარის უძლიერესი 5-6 მოჭადრაკე. თამაშის მსვლელობისას კარგია სპეციალური ხელთნაწერი ბიულეტენის გამოშვება, რომელიც რაზმს აუწყებს მათი მოჭადრაკეების ბრძოლას.

მოვაწყოთ შეჯიბრებები ჭადრაკში.
თ. ბიორბაძე,
ოსტატობის კანდიდატი ჭადრაკში.

მოკლედ შევლავერზე


მშრალი ყინული

ზაფხულის ცხელ დღეებში გამოიდევლები ნაყინით ვაჭრობენ და ყუთებიდან მკვრივ ფერად პაკეტებს ალაგებენ, რომლებიც არეულად აწყვია ყუთში ბოლისფერ ნივთიერებასთან—მშრალ ყინულთან ერთად. ეს ყინული არ დნება, არამედ სწრაფად იქცევა გაზად. მშრალი ყინული ჩვეულებრივ ყინულზე გაცილებით უფრო ცვიანია. მისი ტემპერატურა—მინუს 79 გრადუსია.

მშრალი ყინული — მაგარი ნახშირმჟავა გაზია, მას მოიპოვებენ ქვანახშირიდან, რომელიც, ჩვეულებრივ, სითბოს გვაძლევს და არა სიცვიც.

როგორ მზადდება მშრალი ყინული?

ქვანახშირის დაწვისას მიიღება ბოლისებური გაზი, რომელიც 15 პროცენტამდე ნახშირმჟავა გაზს შეიცავს. ქიმიკოსები ამ ბოლისებური გაზიდან გამოყოფენ ნახშირმჟავა გაზს და სპეციალურ აპარატებში



მაღალი დაწოლის საშუალებით გადააქცივენ სითხედ და შემდეგ მაგარ მშრალ ყინულად.

საპეილი ბუდეები

წენარი ოკეანის კუნძულებზე (სუმატრა, ბორნეო, ცეილონი და სხვ.) გვხვდება ჩიტის ბუდეები, რომელიც საუკეთესო ყელის ჩასაგემრიელებელია.

მაის-ივნისში, იმ დროს, როცა ბუდეებს იკეთებენ, აქ ჩიტებს ეწყებათ სანერწყვე ჯირკვლების გაძლიერებული მუშაობა, გამოიყოფა წებოვანი სითხე, რომელიც პაერზე მაგრდება. ამ სითხისაგან ჩიტები გააკეთებენ ბუდეს და სადმე მოფარებულ ადგილას მიაწებებენ. მაგრამ ადამიანები მათ ეძებენ და მოხსნიან ხოლმე. ამის შემდეგ ჩიტები უკვე ბუმბულისა და ბალახისაგან იკეთებენ ბუდეს.

წენარის ბუდეები თითქმის გამჭვირვალეა, თეთრი ან მოყვითალო ფერისა. ბუდეებს ხარშავენ და ასუფთავებენ; მიიღება ყელეს მაგარი მასა, რომელიც თითქმის 50% ცილას შეიცავს.

ეს მასა დიდ გამოყენებაშია ტიბეტის მდიცინაში. ამტკიცებენ, რომ მას აქვს სამკურნალო თვისებები, განსაკუთრებით კარგია დაღლილობის წინააღმდეგ.

ქალიონისაზური ბობრა

გრძელი, 10—12 მეტრის სიგრძის ღეროები ღირდონი ფოთლებით ეხვევა და ხალიონისაზოთ ევარება ღობებს, ტერასებსა და ფანჩატურებს. ეს გახლავთ ნაზი, სითბოსმოყვარული მცენარე ლაგენარია, რომელიც ჩვენს გოგრას ენათესავება. ლაგენარიას ნაყოფი ჩვეულებრივი გოგრისაგან განსაკუთრებული მკვრივი ქერქით და ფორმის დიდი სხვადასხვაობით განირჩევა. სამხრეთ ამერიკის მოსახლეობა გრძელი მოხრილი ნაყოფისაგან სასულე ინსტრუმენტებს ამზადებს. მსხლისმაგვარი ნაყოფიდან კი—თასებს, ხელაღებს, ხშირად კი ყალიონებს. ამიტომაც ლაგენარია სპეციალურ პლანტაციებზე მოყავთ.

ნორჩ გოგრებს ვიდრე ქერქი გაუმაგრდებოდეთ, ყალიონის ფორმას აძლევენ როდესაც ნაყოფი მწიფდება, გამოგულავენ, გაახმობენ და გადაამუშავებენ. ამგვარად მიიღებენ მეტად მსუბუქ და გამძლე ყალიონებს, რომელიც ფერით თითქმის არ განირჩევიან ჩვეულებრივი ხვირთქლის ყალიონისაგან.



კომოდოს დრაკონი

ინდონეზიის კუნძულის სუმბავას აღმოსავლეთით მდებარეობს პატარა, უდაბური კუნძულები: კომოდო, რინგა, და სხვ. აქ, მშრალ გამოქვაბულებში, მაღალ ბალახსა და შამპანში ცხოვრობს თანამედროვე ხვლიკების—ვარანების ყველაზე დიდი სახეობა, რომელიც სიგრძით 3.5 მეტრს და წონით 100 კილოგრამს აღწევს.


პირველად ეს ქვემძრომები, რომლებმაც კომოდოს დრაკონის სახელწოდება მიიღეს, 1912 წელს იქნა აღმოჩენილი. არასოდეს ისინი წყალში არ შედიან, რითიც განსხვავდებიან იმ ვარანებისაგან, რომლებიც გავრცელებულია აფრიკაში, ავსტრალიაში, სამხრეთ აზიაში, და რომელთა ცხოვრებაც წყალთანაა დაკავშირებული.

დიდ სიცხეში, როდესაც კუნძულებზე მწვანე ხმება და მისი ფერი იცვლება, დრაკონის შემჩნევა მეტად ძნელია: თავის ზემოთა ნაწილი, გვერდები და კუდი წაბლისფერი აქვს, ზურგი და მხრები — ნარინჯისფერი, ყელი და გული კი — ყვითელ-მწვანე. ასეთი ფერი ცხოველს შესაძლებლობას აძლევს შეუმჩნეველად მიეპაროს მსხვერპლს.

კომოდოს დრაკონი საშიში გამანადგურებელია. იგი მეტად ღონიერია, აქვს მაგარი ყბები, გრძელი უკანგადაგრებილი კბილები, კუნთოვანი თათები, მჭრელი ბრჭყალები და ძალოვანი კუდი, შველზე და გარეულ ღორზედაც ნადირობს.

კომოდოს დრაკონის ტყავი ნიანგის ტყავით ძვირად ფასობს. მისგან ამზადებენ ფეხსაცმელებს, ჩემოდნებს და სხვა ნივთებს. ამ იშვიათი ხვლიკის განადგურებისაგან დასაცავად კომოდოსა და სხვა კუნძულებზე დაარსებულია ნაკრძალები. თუ საქაროა მისი ზოოპარკისათვის ცოცხლად დაჭერა, იყენებენ მახეს, სადაც მიტყუების მიზნით მახეში ათავსებენ გოჭს.

ზოოპარკში კომოდოს დრაკონი დიდხანს ცოცხლობს და იმდენად ეჩვევა ტყვეობას, რომ მომგლელის ხელიდან სჭამს და ფეხდაფეხ დასდევს მას.



ახლოტი ეპებს თევზს

ეხოლოტი—ზღვის სიღრმეების საზომი ხელსაწყოა. მიუხედავად თანამედროვე ეხოლოტის რთული მოწყობილობისა, მისი მოწყობილობის პრინციპი მეტად უბრალოა. ულტრაბგერა (მაღალი სიხშირის ბგერაა, რომელსაც ადამიანის ყური ვერ აღიქვამს) გაგზავნილი სპეციალური გამომსხიველით, ზღვის ფსკერიდან უკუიკვდება, რომელსაც მიმღები იჭერს. დროის მონაკვეთის ზუსტი გაზომვა, სიგნალის გაგზავნიდან ეხოს დაბრუნების მომენტამდე, საშუალებას გვაძლევს განვსაზღვროთ სიღრმე, ვინაიდან ზღვის წყალში ბგერათა მერხეობის გავრცელების სისწრაფე ცნობილია.

ხელსაწყო სინათლის სიგნალებით გვიჩვენებს სიღრმეებს, ანდა ავტომატურად ხატავს ფსკერის პროფილის მრუდეს სპეციალურ ქაღალდზე.

ამ გზით იყო ნაპოვნი ყველაზე ღრმა ადგილი ზღვაში, ანუ ზღვის უფსკრული წყნარ ოკეანეში, რომლის სიღრმე 10860 მეტრს უდრის. ულტრაბგერა ჩაძირული ხომალდების მოსაძებნად და ამოსაღებად გამოიყენება.

ულტრაბგერა გამოიყენება, აგრეთვე, ტექნიკაში. მედიცინაც ბევრს ელის ულტრაბგერისაგან. სწავლულები მუშაობენ, რომ ბრმებს აპარატი შეუქმნან.

ბოლო ხანებში ეხოლტს იყენებენ თევზის გუნდების მოსანახად. ჩვეულებრივად ასეთ დაზვერვას თვითმფრინავი აწარმოებს. მაგრამ საპაერო დაზვერვის დახმარებით თევზის მონახვა შეიძლება მხოლოდ უმნიშვნელო სიღრმეში და ისიც მაშინ, როცა ზღვა დაწყნარებულია. ეხოლოტს კი შეუძლია თევზი აღმოაჩინოს ყოველგვარ ამინდში, ყოველგვარ სიღრმეზე.

ეხოლტის დახმარებით შავ ზღვაში ორი კილომეტრის სიგრძეზე და 60 მეტრის სიმაღლეზე ნაპოვნი იყო ხამის ვეებერთელა გუნდები.

ცდებმა დაგვანახვა, რომ ეხოლტს დიდი მნიშვნელობა აქვს, თევზის წარმოებისათვის.

ულტრაბგერას მომავალში დიდი გამოყენება ექნება.

პარუს დიდი კედელი

ყველამ იცის ჩინეთის დიდი კედლის შესახებ, მაგრამ ბევრს, ალბათ, არ გაუგონია პერუს დიდი კედლის არსებობა. ეს ძალზე ძველი ნაგებობაა, რომლის შესახებ დიდხანს ბუნდოვანი წარმოდგენა ჰქონდათ.

სამხრეთ ამერიკის რესპუბლიკა პერუსში არის «დიდი კედლის» ნანგრევები. იგი იწყება მდინარე რიო-დესანტასთან და მთავრდება პერუს დედაქალაქთან. კედელი გადის მინდვრებსა და მთებზე. კედელში ერთმანეთისაგან დაშორებით ჩატანებულია კოშკები. ყველაზე დიდ კოშკს 100 მეტრი სიგრძე და 60 მეტრი სიგანე აქვს.

კედელი გადაჭიმულია 300 კილომეტრის სიგრძეზე. იგი აგებულია XIV—XV საუკუნეში.



შინაარსი

ლალო ასათიანი—მზიას ბანაკში მიუხარია (ლექსი)	83-1
ხუტა ბერულავა—მისკოვი (ლექსი),	3
ნინო ჯავახიშვილი—ბავშვების დასაცავად (წერილი)	3
მარიკა ჯავახიძე—წერილი (მოთხრობა)	4
ნიკოლას გილიენი—ივანანა (ლექსი, თარგმანი გ. გოგიაშვილისა) 7	
ს. მარშაკი—მშობლიური ენის გაცვეთილი (ლექსი, თარგმანი ვ. ძნელაძისა)	8
ლენგტონ ჰიუზი—კარუსელი (ლექსი, თარგმანი ვ. ნადარეიშვილისა და მ. მაჭავარიანისა)	8
ფ. ვიგდოროვა—გზა ცხოვრებისაკენ (მოთხრობა, თარგმანი თ. მთვარელიშვილისა)	9
სერგეი მიხალკოვი—ძია მიხო მილიციელი (პოემა, თარგმანი ირაკლი აბაშიძისა)	12
პიონერული ახალი ამბები	15
გიორგი ლომინაძე—ჩვენი მზიური არტკვი (ნარკვევი)	16
ჟიგმონდ მორიცი—ვერ გამიგია, რა აღამიანები ხართ! (მოთხრობა, თარგმანი თ. სულიაშვილისა)	18
ბორის შენგელია—მეგობრები (მოთხრობა)	20
ე. მაზანაშვილი—მგლები (მოთხრობა)	21
ო. გიგინეიშვილი—პამირის მწვერვალებზე (ნარკვევი)	23
ედ. ყიფიანი—თვალსაცერა (ზღაპარი)	27
ვასილ ბაიძე—გრიგოლ აბაშიძის საბავშვო პოემები (წერილი) 29	
თ. გიორგაძე—მოვაწყით შეჯიბრება ჭადრაკში	30
მოკლედ ყველაფერზე	31
გასართობი	გარეკანის მე-3
გარეკანის პირველ გვერდზე—„გამოცდის წინ“—ნახატი რ. ცუცქერიძისა. გარეკანის მეორე გვერდზე—„ბაბუას სიამაყე“ სახალხო მხატვრის უჩა ჯავახიძის სურათის ფოტო-რეპროდუქცია. გარეკანის მეოთხე გვერდზე—„ინგილო პიონერები თბილისში“ ფოტო შ. ჩხეტიანისა.	
ყურნალი დასურათებულია კ. მახარაძის, გ. ფიცხიშვილის, ლეჟავას, რ. ცუცქერიძის, კ. ყარაშვილის, გ. თოთბაძის, შ. ცხადაძისა და ლ. გულდაშვილის მიერ.	

რედაქტორი რევაზ მარგიანი

სარედაქციო კოლეგია: რ. ელანიძე, გ. ვარდოსანიძე, რ. თაბუკაშვილი, მ. ლებანიძე (პ/მგ. მდივანი), მარიჯანი, გ. ფიცხიშვილი (სამხატვრო რედაქტორი), ე. ქარელიშვილი, გ. შატბერაშვილი, ბ. შელია, ვ. ქელიძე.


რედაქციაში შემოსული მასალები ავტორებს არ უბრუნდებათ.

„ПИОНЕРИ“ Ежемесячный детский журнал Центрального Комитета ЛКСМ Грузии. июнь № 6, 1955. Тбилиси, Ленина, 14. რედაქციის მისამართი: თბილისი, ლენინის 14. 1 სართული. ტელ. 3-81-85. საბლიტგამი.

უფ. 03253 ტირაჟი 15.000 ხელმოწ. დასაბ. 21/VI გამომც. შვედ. № 135. სტამბის შვედ. № 734. პოლიგრაფკომბინატი „კომუნისტი“



ბასართობი



ბამოცანები

1.

წვერმახვილი ჩხირი არის
მოსწავლეთა იარაღი;
რა ვუყოთ რომ გულშავია,
უყვარს თერთი იალაღი.

2.

ზურგზე თუ მოახტები,
იცის გაწამაწია,
პირშიც რკინა უპყრია,
ფეხზეც რკინა აცვია.

3.

როდესაც დაბინდდება,
ტყე-ტყე დაეხეტება.
დღისით თუ გაფრინდება,
ღობე-ყორეს ეღება,
თუმც დიდი თვალეზი აქვს,
მაინც ვერ იხედება.

4.

თავზე ნაზარდია,
ჭირს და ლხინს არგია;
ხან ხელში უპყრიათ,
ხან უქმად აგღია.

ბოგი წმინთელი

5.

სტყუიხარ, თუ მართალი ხარ,
მაინც სასჯელს მოგაყენებს:
ფეხს დაადგამ—აგაცეკვებს,
დაჯდები და—აგაყენებს.


6.

ხან მძინარეს შეგაშფოთებს,
წამოხტები უცებ ზეზე,
ხან გიმღერებს, ხან გაცეკვებს,
ხან აგაფრენს მაღლა მზეზე.
სახლში ბუდე გაუწყვია,
არც წყალი სურს, არცა პური...
ქუჩებს, ბაღებს ახმინებს
მუსიკით და ტაშ-ფანდურით.

ს. კრაწაშვილი


პასუხი ჟურნალ „პიონერი“ № 5-ში მოთავსებულ
ბასართობზე

პასუხი „მათემატიკური თავსატეხეზე“



მოცემულ ჩვიდმეტ წრეში 1-დან 17-მდე უნდა
ჩაიწეროს ისე, როგორც ნახაზზეა ნაჩვენები. მა-
შინ თითოეულ სამკუთხედზე განლაგებული შვიდი
წრის რიცხვების ჯამი—50 იქნება.

პასუხი თავსატეხეზე



სწორკუთხედი, რომელზეც ოთხი ხეა დახატუ-
ლი, დაჭყავით ისე, როგორც ნახაზზეა ნაჩვენები.

პასუხი ამოცანებზე „ხუმრობა
ასანთის ღერებზე“



პასუხი პირველ ამოცანაზე.



პასუხი მეორე ამოცანაზე.

5-257/35

ფანო 2 მან.

საქართველოს
საბავშვო

